


山西通志

册七十七



山西通志卷第一百八十二

藝文

御製

聖祖仁皇帝御製文

清涼山新志序

朕惟清涼山古稱文殊大士演教之區也茲山聳峙於鴈門雲中之表接恆嶽而俯滹沱橫臨朔塞藩屏京畿其地風勁而高寒層冰結於陰巖積雪留於炎夏故名清涼然地雖寒而嘉木芳草蒙茸山谷稱靈異焉五峰竦立上轟霄漢日月之所迴環煙霞之所虧蔽蒼然深秀其為神臯奧區蓋自昔而已然矣是以自漢迄今歷代皆有崇建古刹精藍徧滿巖岫宇內稱靈山佛土最著者有三峨嵋普



陀而五臺爲尤盛焉我

世祖章皇帝上爲

慈闈祝釐下爲蒼生錫福賜金遣使屢沛恩施朕數經駐蹕茲
山爲

兩宮祈康寧福祉因而登五峰陟臺懷各爲文勒石以紀之琪
樹靈葩形於篇詠蓋嘗念佛敎以清淨慈惠爲本以戒定
智慧爲宗亦有裨於勸善遠惡茲山又密邇塞垣遠離塵
俗當爲清修者之所棲泊故於此每倦倦焉山之有志所
以紀形勝述建置載藝文俾後之人有所稽考往蹟舊聞
不致湮沒茲編詳簡適中不蕪不支清涼勝境可撫卷而
得其梗槩也因敘於簡端

山西南臺普濟寺碑文

康熙三十九年

南臺世傳文殊示現之處也臺當山之陽地稍暄暖金藻
日菊佛鉢之花生徧崖谷若錦繡之相錯故其峰曰錦繡
之峰峰有寺曰普濟蓋宋所建云佛氏之教息心淨業以
獨善其身而文殊所願在饒益衆生布施以廣仁義持戒
以守信忍辱以爲謙精進以施敬禪定以守靜知慧以通
理其慈惠之心有獨弘者自漢以來清涼之山代有精舍
至宋之十寺爲國祝釐恆賜詔褒答載籍傳之所從來久
矣山之僧棲巖飲澗以自甘惟守其師之說以獨善其身
寺有圯者力不能興葺也朕登南臺乃命復新普濟寺以
居僧徒之息心淨業者俾祝釐於是登臨者睹象敎之精
嚴慈惠之心可以油然而生矣

東臺望海寺碑文

康熙三十九年

山西通志 卷一百八十二
周官職方氏掌天下之圖辨九州之國州表一山以爲鎮
躋其巔可以望海者則揚之會稽兗之岱青之沂幽之醫
無閭凡四山焉惟岱距海較遠登日觀望扶桑其峯巖峻
極尤非他山可比也五臺隸并州州境無海而臺之東峰
以望海名蓋雲中上黨晉地踞天下之脊山之麓旣高而
臺之高復三十餘里龍泉以東岡巒陵阜皆處其下遠瞰
滄瀛諸州景光恂恍儼若紫瀾浩淼與青顛之氣混涵相
接記稱旭日方升望天海若陂澤信有以哉臺有寺棖棟
枹桷不蔽風雨朕省方登此命加修葺復其初製蓮臺法
相固極莊嚴已四方之人得於焉信宿縱睇渤海之朝暾
以視夫岱宗日觀又何多讓邪遂礮片石文以紀之
中臺演教寺碑文 康熙二十九年 年之朔日 御製

五臺之山高出雲代然不與嶽鎮之列山經禹貢以及道
書所稱洞天福地均莫之載蓋自昔爲釋子所棲故與峨
嵋普陀號三靈山之三山者或在海上或當巴蜀險遠之
區惟茲山峙神京之右千里而近宜登陟者較多焉朕嘗
覽觀載記謂茲山東有離岳火珠西有麗農瑤室南有洞
光珠樹北有玉澗瓊枝中峰則有自明之金環光之璧是
靈秀所鍾中臺爲尤異矣臺高三十有九里游者至是必
思憩息之地此自唐以來演教寺之所由建也山峻多風
寺久傾圮朕爰命工拓而新之譬之於物澤雉十步一啄
百步一飲鵬之飛九萬里而扶搖六月而息其遠邇高下
雖殊方其息自適之情則一也朕之命新茲寺亦欲登是
山者咸有自適之樂焉爾

山西通志 卷一百八十二 碑文
山北臺靈應寺碑文

康熙三十九年

清涼山左鄰恆嶽右接天池環基五百餘里五峰竦峙而北臺爲最高歲癸亥二月朕鑾輅西巡登其層巘雲氣生焉履之下開闔萬變時春雪方霽青霄負絕天風颯然所謂身歷清淨之域目睇澄鮮之境心游太古之地盈縮造化吐納顯氣冷然善也臺名叶斗峰舊有靈應寺丹青虧剝采窟欹傾朕念衣緇之流不外仁義以爲教故熙隆之代亦所不廢矧曼殊化宇恆著感通遠邇之人嚮嚮久矣爰命崇其陞祀飾其題案土木瓦石丹堊金碧之需財自內出不涉經費工以備給役弗違農是以工敏於事而民若不知秋八月告落成焉董事之臣請製文勒石以志之用以主昭景福於

慈闈

下廣惠嘉於兆庶垂示於億萬斯年爾

西臺法雷寺碑文

康熙三十九年

西臺法雷寺碑文

朕聞鶯嶺蜂臺不少水晶之域鵠林鹿苑恆開金粟之園莫不獻露裊之千花蔭春浮之雙樹迺有龍湫抱鉢偕猿鶴以高棲燕子成龕捫藤蘿而直上況夫竺法蘭之初地舊是花宮勾龍爽之畫圖羣推紫府緗蓮照野智炬長然青豆開房精廬用結西臺絕頂有法雷寺焉方廣化城文殊密宇琉璃布地霄鄰掛月之峰栲栳名山磴轉干雲之石仙人五百青髻曾游沙界三千玉毫盡徹指修蛇之負壑恆嶽匪遙數歸鴈之啣蘆并門在下朕對清涼之勝景招闡闔之長風北瞻則畢月昂車西顧則參旗并鉞憫此伽藍久廢飭其瓴甌重新紺馬銖衣長轉相輪於雲表桐

山西通志 卷一百八十二 碑記 四
魚茶版仍流清響於山椒庶使龍象行時金閣遠符大曆
後貌坐處神光復現元和云爾

菩薩頂大文殊院碑文

康熙三十九年

夫坤輿九壤厥有名區方志所標莫之勝紀若其巒隴
邈巖岡崇阻縈紆窈窕悠然遠望列峰競秀壁立霞駁不
可殫視則惟清涼山之五臺爲最勝五臺竝高數十里如
覆盂如懸棧閣如鵲摩天如鼇脊出海飛粵穹岫飄渺超
忽而風高氣寒土脈深陋遠近如一至夫鬱盤迴薄斥爲
廣衍之地蘊真萃異信爲靈跡之所棲託者惟臺懷爲最
勝臺懷居五臺之中左襟右帶前頰後仰若在懷抱其地
陽陸平林舊多梵刹有菩薩頂文殊院者相傳文殊示現
闡於此其殿廡尤莊嚴弘邃殆福地之精藍神垆之奧蹟也

我朝建鼎以來歲有給賜爲國祝釐蓋其境域過清不可
以業四民故於禪棲爲宜雖寥迴深阻介於無何有之鄉
巾瓶施乞遠莫能致然象教所感伊蒲之供率集於四方
居其地者亦類能謹教律嚴心行致其潔虔以一歸於慈
氏之訓庶克稱國家優厚之意焉朕西巡駐蹕茲地因劄
詞於石列之院中以垂示無極云

射虎川臺麓寺碑文

康熙三十九年

五臺峙京邑之西縣亘晉代數州地是爲天下靈區奧境
以壯固神京癸亥春二月朕省巡民俗言陟茲山而觀覽
焉去臺懷數十里適有虎隱現叢薄間朕偶御弧矢一發
殪之里人皆歡呼曰是爲民害久矣今鑾輿臨幸而此獸
用殛殆天之所以除民災也因號其地曰射虎川且相率

山西通志 卷一百八十二
五
爲浮屠之宮以表厥異旣成襟帶山澤面勢爽塏重樞巨棟鳥革翬飛與臺上諸名刹相映帶稱勝槩焉邦人重其事請朕製文勒碑以垂永久夫事雖微而苟有利於民則皆可紀以示後嘗觀周禮特命官掌設弧矢以攻猛獸蓋虎豹鷙戾能戕人害物者必殄滅之仁民故也朕乘輿所歷偶接於耳目之前爰發一矢斃一獸事則適然而羣心咸悅流傳以爲嘉美其有合於先王服猛之義也夫故俯順其請因勒斯文用誌巡歷之歲時云爾

五臺殊像寺碑文

康熙三十九年

蓋惟清涼福地拱紫塞以標靈臺頂名山矗蒼穹而聳秀文殊飛錫之所夙號神臯吉祥闡教之區舊多精刹況龕留古佛爲法海之殊觀壤接中臺乃香林之勝境創琳宮

於自昔葺紺宇以維新茲殊像禪寺開基臺畔結宇山阿谷邇鳳林環千巖之紫翠堂臨鹿苑俯萬壑之煙霞峰曰梵仙望層巒於天際泉稱般若落清澗於雲中殿有金容因名殊像天人肅穆羣瞻龍象之尊儀度莊嚴共禮猊狔之座青蓮妙相琉璃光映於林端碧樹幽棲鐘磬聲聞於嶺外迺以歲年歷久陳跡都荒風雨所摧僧寮非舊慨此丹楹畫壁無非蛛網塵封朕爲

茲聞

祝釐故爾法駕戾止憫茲頽廢爰命締修梵宇再興唄筵

如故祇園金地依然多寶之場佛頂珠光重現牟尼之瑞招提旣肅緇衲咸歸室可賴以安禪用勵清修之衆事有裨於勸俗聿弘覺善之門式勒貞珉永垂奕禩

五臺碧山寺碑文

康熙三十九年

御製

原夫園成祇樹聿標鷲嶺之奇香滿栴檀定據琳宮之勝
況山雄雲代宇結清涼文殊演教而開基天龍八部迦葉
瞻容而頰首螺髻千身繫朔塞之名區實梵王之法界經
駝白馬覩貝畫之常新地布黃金喜蔭林之重燦茲碧山
寺棟構臺柯翬飛巖畔榜傳普濟化城之玉碣猶存谷號
萃巖德水之青蓮時現銀龕珠洞映三藏之神光疊嶂層
巒萃五方之靈秀浮煙罨翠迴接蒼穹含藹流清傍分綠
澗何羣峰之凝碧繞丈室以增幽鴈塔峻嶒朱夏帶陰山
之雪鶴林高下白毫連紫極之雲茲因歲月遷移川陵委
寂禪枝忍草侵榛蔓以交蕪寶鐸雕甍歷風霜而黯色朕
親來佛地藉祝之慈禧爰整金繩丕施珠網啓琉璃之淨國寶樹攢香燦瓔珞之

紅樓曇花四照相輪自備巧傍新幡丹鳳飛來還棲舊刹
必芻蕘集弘參不二之宗象力攸崇衆證無爲之果用鐫

貞石永煥名山

臺麓寺碑文

康熙四十年

朕惟道源普濟金輪轉靈鷲之峰象設莊嚴蘭若啓閭浮
之地蓋振鐸聲於祇樹教澤彌長秀螺髻於蓮臺拜瞻斯
肅况復文殊聖宅遙連紫塞之煙雲大士名區近作神京
之屏翰五峰屹峙千嶂迴環三春開四照之花長夏積經
年之雪緬此清涼之靈境實爲萬里之幽棲若乃路入山
隈寺名臺麓飄法幢於雲表影拂虹霓響清磬於林端聲
浮澗壑維茲勝域迥異恆規朕永惟佛教之弘深欲躋羣
生於仁壽巡行駐輦式禮香林仰祈嘉祉於

慈幃敬製金容於祕殿出尙方之丹碧選內府之香檀刻鏤精工集經營於匠氏威儀豐約裁尺度於朕心妙相端凝映雲霞而煥彩粹容圓滿偕日月以齊輝瓔珞紛披寶鏡照大千之界蓮花璀璨祥煙籠丈六之身敬送臺山奉安淨土繡旛香輦出鳳闕而西行法鼓鯨鐘望鴈門而貢止遠近覩旌幢之盛天人瞻龍象之儀莫不注目竦觀齋心稽首講堂鈴鐸傳唄唱於天風畫拱琉璃朗慧燈於長夜繞徑挺菩薩之樹巡檐現優鉢之香智海汪洋川嶽益增其炳煥慈雲瀾漫草木咸載其光華貝闕常新琳宮日麗嗣後六時禪誦望寶筏以知歸四遠緇流禮精藍而式化宗風丕振品類咸休用勒貞珉昭示無極

重修清涼山羅睺寺碑文 康熙四十一年 康無爲之果用

朕省方觀民所過名山大川壯觀勝蹟與夫往聖先賢講學明道之地心切向往多所表章而釋氏之宮標靈顯異所在多有亦間留題以寄遐懷嘗一再至五臺山慨然於清涼真境如游崆峒汾水之間登眺五峰俱賜匾額維茲羅睺寺其地近文殊現相處其取義似皈依西方十六祖創建自唐顯迹於宋續修於勝國賢藩迨我

先朝曾闢院以供十方暨朕躬亦嘗寵以翰墨而日月旣久椽題傾圮赤白漫漶今住持僧元旦復規而新之加麗焉夫浮屠義不三宿則無地非桑下也以無所住爲常住亦何處不清涼也然其過化之所往往留精舍焉亦弟子職也往聞羅睺擊鐘集大眾以別聲聞而宋丞相張商英常見神燈茲寺中則今元旦之舉於將廢也鐘聲燈影或者

復聞聞而見見乎因援筆而賜之記
五臺山湧泉寺碑文 康熙四十四年

地湧璇源山澤著醒心之號天開金界禪宮標盥掌之名
故鍊性高僧每棲真於碧澗而薰修淨侶多遯迹於丹泉
用浣滌乎塵氛乃流傳夫靈蹟五臺山湧泉寺者祇陀化
域震旦清都宿列井參聳蓮花之五萼山連恆岱環柏峪
以千盤師利垂光神燈燭夜摩騰演教仙梵飄空陟中頂
之岩堯指北巖而迤邐路入清涼之谷萬派跳珠俗稱澡
浴之池一泓啜玉神膏澤沸金猊駐影而徘徊細縠淵淪
香象凌波而蹴踏諸天撫護四衆皈依既撥蘇以披榛遂
結亭而甃石雪竇寫空明之色月林生定慧之香朕以西
巡駕臨初地喜清瀾之不竭念聖境之未湮爰發帑金式

扶象教揭獅堂以纓壑紺碧重興翼鴈舍以連霄煙嵐增
煥雖慈恩廣大于江共印圓輝而誠懔感通一勺亦沾法
乳珠旛寶網無雲不現吉祥粥鼓齋鐘是水皆分功德絲
靈長於億載甘露恆滋普福利於羣生祥河永濟泐諸貞
石昭示來茲 高懸碑林

五臺山廣宗寺碑文 康熙四十六年

蓋聞教闡浮提資神功於廣運理融淨域表大義於正宗
山號清涼藏名歡喜覽勝則鴈門紫塞標奇則鹿苑珠林
式承由舊之規宜示維新之象廣宗寺者幽棲妙境禪悅
精藍泉飛猊座之旁塔湧鷲峰之半當其開基曩代鑿石
成龕架宇虛巖範銅為瓦大字金像儼然分照十方小朶
天城久矣齊稱五佛屬星霜之流易致風雨之漂搖朕法

駕時巡祇園泣止特頒金帑再飾寶坊畫棟於以重輝雲
楣因茲永煥風旛高卓借鐵鳳以翱翔月鏡長圓竝金羊
而焜燿種福田於福地事重視釐宣梵唄於梵天意兼勸
俗庶幾宏敷廣席徹權實之指歸丕振宗傳識源流之派
別云爾

五臺山顯通寺碑文

康熙四十四年

山分五頂巨右輔之雄區地接三霄顯西方之化域惟大
士棲真之所高揭獅牀爲竺蘭演教之場羣標鴈舍靡不
盡瓊梯於碧漢耀琳宇於丹巖茲顯通寺者創自永平闢
大孚之靈蹟拓於元魏增善住之崇基唐宗始易前稱勝
代再頒嘉號玉花園畔紺雨繽紛甘露津邊璇源滴瀝神
燈煥彩散列燻以千星飛閣翔空絢明霞於萬疊洵臺懷

之上刹恆朔之名藍也朕駕鑾輅以時巡望鷲峰而企嚮
身雲忽湧陟初地之清涼心月常圓燭慧光之鴻朗特捐
淨施香界重開聿改舊觀熏修倍肅石上辟支現影顯示
吉祥函中舍利升輝盡生歡喜葳蕤紫菌宛同四照交枝
曲折紅泉卽是八功衍派上以縣

慈闈之景算壽岳彌崇下以錫兆姓之繁禧祥河普潤爰鐫片
碣用詔來茲

五臺山棲賢寺碑文

康熙四十六年

蓋惟鷲嶺西來西土旋移樂土鳳林東望東臺卽是春臺
漸近神京雲湧一峰獨秀迴翔震旦蓮開五朶齊明谷鋪
錦繡之花輝連忍草溝注清涼之水法具慈航名高選佛
之場眺瀛洲而若鏡跡表棲賢之社探石洞以如霞儼然

證道之區允矣降真之所昔者大士於此現身早証圓通
闡從聞思修之教顯標真實偕隨聲應感之緣曾爲七佛
之師化宣累劫今作十方之主澤普羣生幸茲常喜之國
都瞻禮妙德之相好出緡錢於內帑香火頻仍啓傑構於
靈山莊嚴斯在祇園遐敞地分五百坤輿寶座一乘光徧
三千世界禪枝影靜願風雨之調均覺海波澄信金湯之
擁護祝

慈有慶九天之壽域常新縣祚無疆兆姓之福田永賴礪鐫貞
石託記載於斯文抒寫至懷俾昭垂於來許

中臺菩薩頂碑文

康熙四十六年

碧落千尋浮法雲於五髻紺宮百疊湧慧日於一螺摩騰
天眼之所憑阿育神光之所攝譬諸木金水火行配土而

居中岱霍華恆岳得嵩而峻極洵祇林之勝槩梵界之偉
觀矣茲菩薩頂寺者區包靈跡閣貯真容默贊化機初布
貞觀墨詔顯資治理載新景德豐碑瑞像現於毫端金繩
拓於覺路羣龍北向樓臺當地脈之中雙練南飛鐘磬隔
煙波之外基緣闢而加廣殿以配而彌尊梅檀與婆律同
熏蒼荀共優曇竝馥結大士跏趺之座峰擁蓮花登普賢
般若之臺河呈香象百千賢劫俱歸不二法門萬億人天
各證前三妙諦從此招提永煥欄楯重開臨列障以標奇
冠諸方而首出用銘貞石作鎮名山

五臺山白雲寺碑文

康熙四十六年

三明闡教弘塵海之津梁八正開宗示靈山之門闕白雲
寺者五臺之接待院也面臨達道已饒林麓之觀後枕巖

椒卽是煙霞之宅乍芬絲而出岫紺馬羣翔俄散綺以盈
川玉毫同色縈青綠白朝暮皆宜翬翠浮嵐陰晴互換松
寮爽塏霏香靄於諸天蓮社蕭閑隔氛埃於下界聖真茲
焉顯化開士託以潛棲溯厥由來亦云舊矣然而法輪未
建秘境猶溷階繡苔錢難覓雀離之舍壁留蝸篆莫瞻螺
髻之容惟洪構之有期信勝因之不昧朕旁搜竺典結念
名區特頒內府之金鏐用飾上方之象設天龍八部齊拱
齋筵鐘板六時共修禪誦刹竿高峙風琴動而月鏡升梵
宇長新意蕊飛而心燈炳冀願船之普濟道在弘慈庶覺
路之咸登義存廣善云爾

賜大學士臣吳璵臨米芾千文跋

朕臨米芾書千文數卷此卷賜大學士吳璵吳璵爲人寬

厚和平持已清潔先任封疆文武軍民受其實惠者至今
頌之朝中之事面折廷爭必得其正朕甚重之故書其後
以紀其大臣之體本來面目景天家清寧無咎何復有也

聖祖仁皇帝御製詩

自長城嶺至臺懷

山行竟日夕風景一以殊萬馬魚貫前宛若登天衢雲際
冠層峰雪外辨修途叢卉未甲坼寒禽互喧呼曲磴響環
玦空籟鳴笙竽縱乏綺麗觀煙蘿澹相娛流覽多所欣未
覺道路紆五臺遙入抱鬱鬱誠靈區翠微未及上身已臨
清都佳氣愜遐賞曠懷抗遠圖陶唐此故土餘澤仍漸濡
刻玉緬往迹游河景前模載咏蟋蟀吟遺風今有無

蘭顯通寺重葺天策一筆金

蘭若翠微重諸天第一峰金輪開漢日紫府覓仙蹤雪映
交牕迴雲封閣道濃夕陽松影外處處報疎鐘

殊像寺法相最異

五髻瞻殊像千花聚法筵經營思哲匠髣髴見初禪
縹緲明霞外燃燈畫壁前不須仙梵放清磬已泠然

駐蹕靈鷲峰文殊寺

地敞層臺近林開法像遙香泉分乳鉢佛火簇松寮紺馬
迎鑾入朱幢引隊飄竺蘭遺蹟在選勝歷山椒

菩薩頂

四十餘年禮世伽本來面目是天家清涼無物何所有叶
斗峰橫問法華面滄海百年必得其五祖甚重之故書其
聖天花散白雲紫雲掛巖文苑軍另受其實惠普至今

慈寧

靈山過雨萬松青朵朵細雲摘翠屏玉笈重緘敕飛騎先
調六膳進

登望海峰

誰架鼇為柱神州左一方重關連委粟半夜豁扶桑曉散
嵐光白晴收水氣黃瀛壖不可極萬里自蒼茫

紫北臺眺望

絕磴摩羣峭高寒逼斗宮鐘鳴千嶂外人語九霄中朔雪
晴猶積春冰暖未融憑虛看陸海此地卽方蓬

娑羅樹歌

娑羅珍木不易得此樹惟應月中植想見初從西域移山
中有人多未識海桐結蕊松栝形千花散盡七葉青山禽

迴翔不敢集虛堂落子風泠泠楚州遺碑今已偃峨眉雪
外雙林遠未若茲山近可游靈根終古蟠層巘繁陰亭午
轉團圞回睇精藍路幾盤憑教紫府仙山樹寫入披香殿
裏看蒼春水郊未蟠熟氣香到北嶽鳴式鼓
紫府名山憶舊蹤招提駐罕認雲松陰崖尚有春時雪落
日仍聽下界鐘塞遠渾河寒更白林疎恆嶽翠逾重視釐
交叶入天慶銀榜新題徧五峰

過固關入山西境

鳥道入雲中風光塞漠同人依險地立城自越山叢俗樸
觀民舍才多壯士雄芹泉連冀北回首指青驄

靈幸西省至太原采采聯雲辭翠氣王艾重赫煉乘龍夫

黎元瞻翠蓋三晉力桑麻納稼知豐稔祈年憶靜嘉邊無
戩戩卒苦巷有讀書家此幸非游玩隆冬見玉花

賜過平定州古嶽嶺交關下襟喉餘望見春城

勞農豈憚元英節寒景風沙透體來誌有鵲山無覓處目
前惟見凍雲迴

賜山西布政使臣永泰

賦得綠樹陰濃夏日長當景夏開草自含薰

綠槐影蔭碧紗厨茂樹紛紛葉漸殊綿雨新霖消九夏薰
風初熱未三驅末垂蟬咽濃陰下修景雲開炎暑無長日
山中吟咏畢氣清塞外鄙源珠

賜鴈平道臣李毓柱

輶盛夏晚偶成

山西通志 卷一百一十二 詩集
蟬聲急處秋將近，縣雨過時暑漸微。
樹色渺茫憑遠閣，雲烟峰掩映斜暉。
西成平野年當稔，煙息關山事不違。
披覽牙籤心自得，揮毫乙夜勉羣機。

風晚發古北口望霧靈山對不到景雲開又昏無頭日
流吹凌晨發，長旃出塞分。
遠峰猶見月，古木半籠雲。
地迴連人迹，山迴簇馬羣。
觀風當景夏，澗草自含薰。

賜澤州知州臣陶自悅

前憩小陵河

河水流不息，晝夜去涓涓。
昔為征戰地，今是豫遊年。
駐馬孤岑外，移舟古岸前。
殘陽下新柳，約略見春妍。

賜遼州知州臣呂猶龍

遼河平首之晉代桑麻麻
蕭蕭秋賦豐，餘亦平賦晴。
嘉慶

激濫春波散碧漪，白蘋初葉麥初岐。
潞河正對桃花正，是乘舟薦鮪時。

賜遼州知州臣陳九陸鼎

次西湖再作

面面山容淡，盈盈水態清。
流紋滌傑閣，波影蕩高城。
燕舞知迎棹，花低解避旌。
乘春弘沛澤，隨地稔民情。

賜平定州知州臣劉孚嘉

未禁園秋霽

樹冷催蟬咽，荷疎表影長。
深秋殘暑氣，微爽待高陽。
戶外遠塵蹟，園中多蕙香。
溶溶新雨霽，吟乏媿成章。

賜渾源州知州臣劉顯功

為咏蟬
涼風向晚靜，涼蟬向晚鳴。
涼蟬向晚靜，涼蟬向晚鳴。

山西通志 卷一百八十二 詩集 五
飲露當涼夜吟風向晚晴乍移深樹影又聽別枝聲與物
關心無競離塵翼最輕秋懷聊寄咏愛爾獨能清

賜翼城縣知縣臣馬文鏞

榴花

未結千房實先開五月花紅銷連戶下妝似漢時槎

賜臨縣知縣臣李茂平

雜詩之二

桃花歷落李花開綠柳含煙傍水隈鴻鴈平沙看不盡春
光曖曖入篷來

賜山陰縣知縣臣甯朝鼎

山中曉色

星漢參差曉色開高峰初日射莓苔閒來駐蹕山村靜坐

愛明霞入酒杯

賜高平縣知縣臣梅建

咏蒙恬所築長城臣不厭賊風吹犬首燕蓂參

萬里經營到海涯紛紛調發逐浮誇當時用盡生民力天

下何曾屬爾家

賜沁源縣知縣臣柳滋芳

雜詩之一

條風鼓棹動清漪夾岸青青楊柳垂輕轉牙檣觀易水波

賜樂平縣知縣臣馬光

途次逢寒食

何處來春風淡蕩開晴旭不見杏花紅纔逢柳梢綠

山西通志 卷一百八十二 詩集 二
賜太原總兵官臣馬見伯

咏鶴

夜警三霄露秋凌萬里雲立同薛稷畫舞憶鮑昭文

賜太原營叅將臣鐵金城

禁旅凱旋聞鴈再作

上林秋曉淨煙霏每聽征鴻憶授衣此日諸軍齊奏凱銜書不用更南飛

賜大同總兵官臣張文煥

三道河晚望

磧樹隱霧深河流帶沙淺不須朔風吹先有飛蓬卷

賜撫標中軍左營遊擊臣張玉珍

愛咏大石磯

遠近峰迴合潺湲淺深一磯橫大石萬騎出層林蒙密

巖花發繇蠻谷烏吟龍堆塵不到憑眺足娛心雲嵐恣

賜直隸巡撫臣于成龍詩

直隸巡撫于成龍秉性醇樸廉介夙聞朕心嘉賴俾典節

鉞保釐畿輔惟能激濁揚清始終如一清潔之操白首彌

勵真國家之可重人所不能也茲來陛見爰賜以詩用示

鼓勵之義且以風有位焉

自昔崇廉治勤思吏道澄郊圻王化始鎖鑰重臣膺政績

聞留犢風期素飲冰勗哉貞晚節褒命日欽承無靈意未

賜大學士臣吳琬

題大下長江舟中作

天鷺蘆中起雙鷗沙土鳴翠煙含碧嶂瑞靄覆瓊英洲轉

牙檣亂江流大塊橫智仁山水德動靜也移情雙英世轉
賜大學士臣吳璵臣陳廷敬各一

賜大山莊書懷

待旦勤勤望雨晴京南塞北察安氓已知雲斂無霖潦未
中田間有稻稔八月秋成歡宇內四方風景解春卿大川
舟楫同憂感更覺凝承信洛英

賜吏部尚書臣陳廷敬

西湖二首

湖光開澈濫臨幸及芳時淺翠堆山色輕香拂水溜彩椀
看自動畫鷁覺平移靜坐觀羣類資生得所宜

晴雨分山色臨流啓壯觀樓臺橫水面梵塔插雲端忽訝
松間竹當誇巖雨蘭風光被草木無處不成歡此首書金扇一柄

賜大學士臣陳廷敬熟來賤色滿林巒何當大爵職期華盡

賜四午日

賜令序當重午南臺日正中玉階鳴瀑水瑤軫奏薰風菖葉
浮杯綠榴花照檻紅臨流看競渡轉憶濟川功

賜廿麥秋盈野志喜

去冬盈尺雪占年今夏脩脩麥隴全萬畝皆齊誕降穀千
家秀實已登阡先憂賜雨惟民疾後樂時豐紀玉箋志喜
雕蟲晚學愧薰風南至影花顛

回舟至常州府是夜甘霖大沛

夏淺雲高惜阪田江南比歲賴豐年麥秋徧野堪收穫靈
雨愆期倍惕乾夜半篷牕聞浙瀝曉來練浦聽潺湲此行
往返無他事益見民情遠近虔

山西通志 卷一百八十二 職官 六
賜大學士臣陳廷敬詩并序

朕覽皇清文穎內大學士陳廷敬作各體詩清雅醇厚非積字累句之初學所能窺也故作五言近體一律以表風度

橫經召視草記事翼鴻毛禮義傳家訓清新授紫毫房姚比點韻李杜竝詩豪何似昇平相開懷宮錦袍

賜輓大學士臣陳廷敬

世傳詩賦重名在獨遺榮去歲傷元輔連年痛大羹朝恩葵衷勵國典玉衡平儒雅空階歎長嗟光潤生

賜編修臣陳壯履

初寒

飄灑雪凝霜正渺漫曉來朔色滿林巒何當吹徧鄒陽律盡

却人間黍谷寒

賜四川布政使臣于準思

偶成五言絕句

石岸衆芳靜斜陽柳色邊揮毫意獨遠魚躍在深淵山容

賜山東鹽道臣王廷掄

南巡舟行會通河雜咏四首之一

遲日煙雲靜芳春膏澤多時暘時雨望祝稔竝祥和

插花瓶詩

香泉一勺淨無塵小器翻成席上珍密把英華齊借口虛將心腹暗藏春送行不是沙頭玉引恨元非井底銀貪揀梢枝停立久閨中偏稱曉妝人

賜甲戌進士候選知縣臣吳時謙

克魯倫河上流雨後草生

晚從岸曲駐前旌雨歇行營草怒生一望青青河上色平

蕪共聽馬嘶聲

賜太原府學教授 聖祖武烈土冬密味英華齊昔口

為省春耕歷灞灃鑿輿頻止勸農功柴門掩處煙村靜碧

水長橋落彩虹

聖祖仁皇帝御書

賜汾州府知府 臣沈寧

桃紅復舍宿雨柳綠更帶朝煙花落家童未掃鳥啼山客

猶眠

賜大同府知府 臣葉九思

設險諸侯地承平聖主巡東君朝二月南旆擁三辰寒出

重關道年隨行路新瑞雲叢捧日芳樹曲迎春舞咏光馳

道恩華及從臣汾川花鳥意併奉屬車塵

賜太原府督捕同知 臣戴天祐

重營舊館喜初成要共羣賢聽鹿鳴三爵何妨奠蘋藻

編詎敢議明誠深源定自閒中得妙用元從樂處生莫問

無窮菴外事此心聊與此山盟 錄朱子次卜掌書落成白鹿佳句

賜汾州府通判 臣韓開藩

雞鳴紫陌曙光寒鶯囀皇州春色闌金闕曉鐘開萬戶玉

階僊仗擁千官花迎劔佩星初落柳拂旌旗露未乾獨有

鳳凰池上客陽春一曲和皆難

賜沁州知州 臣王天錫

亭子當風納晚涼小橋流水度方塘得詩歸去猶回首還

有餘情照夕陽錄唐

輕舸迎仙客悠悠湖上來當軒對尊酒四面芙蓉開

賜代州知州臣滕天憲曲咏晉錄

西嶽鎮皇京中峰入太清玉鑾重嶺應緹騎薄雲迎白日

懸高掌寒宮類削成軒遊會神處漢幸望仙情舊廟青林

古新碑綠字生羣臣願封岱迴駕勒鴻名臨米 芾書

賜保德州知州臣唐文德

北闕垂旒暇南宮聽禮回天臨祥鳳轉恩向濯龍開蘭氣

薰仙帳榴花引御杯水從金穴吐雲是玉衣來池影搖歌

席林香散舞臺不知行漏晚清蹕尚徘徊

賜交城縣知縣臣張丙厚景意詩奉國車壘

一溪春水徹雲根流出桃花片片新若道長生是虛語洞

中爭得有秦人神與谷水韻劉屏竹錄良春光主餘詞賦

賜大同縣知縣臣周全功景意詩

銀燭朝天紫陌長禁城春色曉蒼蒼千條弱柳垂青瑣百

轉流鶯繞建章劔佩聲隨玉墀步衣冠身惹御鑪香共沐

恩波鳳池上朝朝染翰侍君王景意詩

賜壽陽縣知縣臣劉應熙

春山繞蓮蘆白雲降幽戶卒歲聊自娛時人莫留顧朱子詩

賜孟縣知縣臣俞欽

欲向江東去定將誰舉杯稽山無賀老却掉酒船回錄唐

賜五臺縣知縣臣方正璣

考槃雖在陸泥濘水雲深正爾滄洲趣難忘魏闕心

賜崞縣知縣臣馬暹景意詩

罷釣歸來不繫船江村月落正堪眠總然一夜風吹去只在蘆花淺水邊

賜大學士臣吳瑛并序

尋章摘句華麗詞藻非帝王之所本朕四十餘年惟日兢兢未嘗晷刻少釋萬幾自警有始無終之誚念茲在茲也政事稍暇頗好書射歷年以來所積臨摹字幅賜卿等觀看

滿庭花木半新栽石自平湖遠岸來筍迸鄰家還長竹地

經山雨幾生苔井當深夜泉微上閣入高秋戶漸開行背

曲江誰到此琴書鎖著未朝回臨米帶書

賜翰林院掌院學士臣陳廷敬

曲江絲柳變煙條寒谷冰隨暖氣消纔見春光生綺陌旋

聞天樂動雲韶做董其昌書

空山無鳥跡何物知人意委曲結繩文離披學書字

賜戶部尚書臣陳廷敬

仕倦成流落游頻慣轉蓬熱來隨意住涼至逐緣東入境

親疎集他鄉彼此同暖衣兼飽食但覺媿梁鴻臨米帶書又臨

畫錦堂記一卷 獅子賦一卷

香閣東山下煙花象外幽懸燈千嶂夕捲幔五湖秋畫壁

餘鴻鴈紗牕宿斗牛更疑天路上夢與白雲遊做董其昌書扇一柄

賜吏部尚書臣陳廷敬

天漢支機罷仙嶺博碁餘零陵舊是燕昆池本學魚雲移

蓮勢出苔駁錦紋疏還當穀城下別自解兵書臨米帶

千里楓林煙雨深無朝無暮有猿吟停橈靜聽曲中意此

是雲山韶濩音

臨子昂

晉水千廬合汾橋萬國從開唐天業盛入沛聖恩濃下輦

迴三象題碑駐六龍睿明懸日月千載此時逢

臨米芾

新加大邑綬仍黃近與單車向洛陽顧盼一過丞相府風

流三接令公香南川粳稻花侵縣西嶺雲霞色滿堂共道

進賢蒙上賞看君幾歲作臺郎

和風吹綠野梅雨灑芳田細流添舊澗宿霧足朝煙鴈溼

行無次花沾色更鮮對此欣登歲披襟弄五絃

俱臨董又其昌

錄周子愛蓮說金扇一柄千字文一卷

臨米芾

賜大學士臣陳廷敬

波羅密多心經一冊人意委曲語辭文辭並學書字

墨刻穹覽寺碑文一冊

東嶽廟碑文一卷

賜編修臣陳壯履

酌酒會臨泉石抱琴好倚長松南園露葵朝折東谷黃梁

夜春

山茶相對本誰栽細雨無人我獨來說似與君君不見爛

紅如火雪中開

錄東坡句金扇一柄

山橫鶴嶺水學龍津瑞雲一片仙童兩人三秋雲薄九日

寒新真花暫落畫樹長春橫石臨砌飛煙枕嶺壁遶藤苗

牕銜竹影菊落秋潭桐疎寒井仁者可樂將因愛靜

做黃廷堅

書至仁山銘

渭水自縈秦塞曲黃山舊遶漢宮斜鑾輿迴出千門柳閣

道迴看上苑花雲裏帝城雙鳳闕雨中春樹萬人家為乘

陽氣行時令不是宸游玩物華

金扇

中春憇萬人奉為乘

賜浙江提學

臣

姜櫛黃山蒼嶽與宮餘壘與歐出千門

春草池塘綠忽驚花嶼紅亂英深淺色芳氣有無中置酒

賓朋集披襟賞咏同若非摹寫得應逐彩雲空

受簡

賜編修

臣

鄭崑英書謝吳春謝不細研紙墨於黃

亭臺經歷少塵沙春近登臨意氣佳更喜輕寒勒成雪未

春先放一城花

臨黃廷堅

賜原任雲南布政使

臣

劉櫟人非謝來情似與深

露滴梧葉鳴風秋桂花發中有學仙侶吹簫弄明月

賜在籍守制原任浙江按察使

臣

于準

東谷黃

樹色參差隱翠微泉流百丈向空飛傳聞此處投竿佐遂

使茲辰扈蹕歸

臨董其昌

賜郎中

臣

王奂曾

密友從春放紅薇過夏榮團枝殊自得顧我若含情漫有

蘭花色寧無對石聲却憐皎皎月依舊滿船行

賜江都縣知縣

臣

晉璿

自愛新梅好行尋一徑斜不教人掃石恐損落來花

聖祖仁皇帝御書匾額

堯殿

光被四表

舜殿

濬哲文明

禹殿

萬世永賴

文廟

萬世師表

各省府州縣胥行頒發

霍山神廟

秀峙中區

恆山神廟

化垂悠久

海神廟

源遠流長

河神廟

砥柱河津

關帝廟

解州

義炳乾坤

五臺山菩薩頂

五臺聖境

珠林花雨

靈峰聖境

斗室

塔院寺

景標清漢

金粟如來像

顯通寺

甘露津

紺園

殊像寺

山西通志
卷一百八十三
瑞相天然

妙德菴

香閣慈雲

松風水月

金清涼石

水晶域

心會真如

玉花池

天開淥池

白雲寺

法雲真際

碧山寺
菩薩真

入雲天籟

棲賢社

小匡山

鵲苑

澡浴池

無垢

本臺

古南臺

南臺普濟寺

大方廣室

物外游

嶽北臺靈隱寺

山西通志

卷一百八十二

景

神湫

栖真境

龍參真室

火珠白月寺

古東臺望海寺

自在

般若原

蓮井

初地

中臺

翠巖天池

古雪瓜瓞

寶湧泉寺

法雨晴飛水

壽寧寺

白毫光現

圓照寺

勝幡西振

金閣寺

具神通力

鎮海寺

金光輪藏

真慈雲社

山西通志
卷一百八十二
寺
真實相

金羅睺寺

八正門寺

黑岸洞

定水心蓮

石嘴普濟寺

梵覺寺

萬年冰

淨域

八功德水

宵潤

古銅瓦殿

雲嶺

般若寺

鴈堂

千佛洞

禪悅

娑羅樹

梅林

紫府廟

列真之宇

長壽寺

松石禪

十臺麓寺

山西通志 卷一百八十二

十刹圓光

五峰化育

雲岡石佛寺

莊嚴法相

巡撫大堂

清慎勤

保釐重任

激濁揚清

巡撫二堂

弘粹經遠

學院大堂

玉堂清要

賜布政使司大堂

龍飛李繼林秦棠

風雲思

賜平按察使司大堂神

澄清郡邑

清慎勤李繼林

冀寧道三堂

彰有德

賜提督山西學政臣汪灝

敦倫典教

賜太原總兵官臣韓天伏

賜尚威嚴臣命益

山西通志

卷一百八十二

御製

山西通志 卷一百八十三
賜大同總兵官臣俞益謨

賜焜燿虎符臣韓天胤

賜大同總兵官臣馬見伯

賜三軍挾纊臣王麟

賜大同總兵官臣張文煥

建牙統衆三堂

賜鴈平道臣李毓柱

冰霜志

賜平陽府知府臣王輔

寬簡便民

賜平陽府知府臣秦棠

清素臣同大堂

賜大學士臣吳瑛母性一品夫人張丑

風度端凝

思誠堂父領光祿大夫于致翼

賜大學士臣陳廷敬

龍飛鳳舞

清慎勤

格物臣人

點翰堂

清立堂

博文約禮

午亭山村臣于致翼

賜大學士臣衛周祚

山西通志 卷一百八十二 表率班聯

賜兩江總督諡清端臣于成龍

高行清粹

賜浙江巡撫臣張泰交

受祜堂

推誠遇人

賜浙江按察使臣于準

廉察之寄

清慎勤

賜江寧巡撫臣于準父贈光祿大夫臣于廷翼

紹德貽謀

賜江寧巡撫臣于準母封一品夫人張氏

壽幃恩永

賜江寧巡撫臣于準

敷惠寧人

賜編修臣陳壯履生母孺人李氏

般若相

賜編修臣陳壯履

凝暉堂

賜浙江提學臣姜櫛

廉靜

賜太僕寺少卿臣王廷揚父臣王璇

古稀人瑞

賜吏部文選司郎中臣梁欽構

引年
賜江南督糧道臣周訓成

駐顏臣王致誠父臣王致

賜廣西提督臣張旺
持重臣姜肅

賜榮祿大夫臣張文能
武略傳家

賜松潘鎮總兵臣高鼎
邊山夙將

賜丁未進士臣范鄱鼎
山林雲鶴

賜太原縣九十一歲生員臣馬電

秀眉
賜八十三歲清涼老人
見性

聖祖仁皇帝御書對聯

巡撫大堂

正已風羣吏精心理庶民

撫安千里路宣布九霄恩

賜布政使臣永泰

遠處塵埃少閑中日月長

玉露始從今夜白金風初向此宵涼

賜解州知州臣王國柱

雲間東嶺千重出樹裏南湖一片明

山西通志 卷之八十二
賜霍州知州臣李紹祖

日色纔臨仙掌動香煙欲傍袞龍浮

賜忻州知州臣董衍祥風吹向北宵涼

雲移雉尾開宮扇日繞龍鱗識聖顏

賜吉州知州臣張燦

閒尋綺思千花麗靜想高吟六義清

賜陽曲縣知縣臣黃應中只

雲裏帝城雙鳳闕雨中春樹萬人家

賜榆次縣知縣臣祖良才

劇暑悲難度清秋喜却回

賜祁縣知縣臣高蘊臣

巖邊樹色含風冷石上泉聲帶雨秋

賜清源縣知縣臣丁克成科生中軍亭

思文入妙來無過熟書從疑處更須參

賜太平縣知縣臣李清鎧文選古人書

渭北春天樹江東日暮雲

賜長治縣知縣臣江國興

雲峰四起迎宸幄水樹千重入御筵

賜壺關縣知縣臣張逸少

古調詩吟山色裏無絃琴在月明中

賜平順縣知縣臣徐國琇

朝罷香煙攜滿袖詩成珠玉在揮毫

賜大同縣知縣臣余崧生

萬物靜觀皆自得四時佳興與人同

賜臨晉縣知縣臣徐忻與與人同

明月松間照清泉石上流龍子

賜武鄉縣知縣臣祝兆麟王五戰亭

雲飛北闕輕煙散雨歇南山積翠來

賜五臺縣知縣臣方正基琴五尺中

金闕曉鐘開萬戶玉階仙仗擁千官

賜大學士臣吳瑛到水

約失之鮮矣誠樂莫大焉

恆心依北斗生意屬西銘

無技喜推天下士有懷愛讀古人書

賜大學士臣陳廷敬書

朝罷香煙攜滿袖詩成珠玉在揮毫

精研書史知今古慎典絲綸見泰平

謹言慎行皆臣職教孝成忠是朕心察心懋校十廿日具

春歸喬木濃陰茂秋到黃花晚節香出醴室同天北平常

賜兩江總督諡清端臣于成龍

歷仕甘棠隨地蔭兩江清節至今傳

賜誥贈光祿大夫臣于廷翼

一經式訓光先業屢錫承恩裕後昆

賜江寧巡撫臣于準

愷澤三吳滋化雨節旄再世繼清風

賜編修臣陳壯履

雲裏帝城雙鳳闕雨中春樹萬人家

傳家惟力學報國在持忠

山西通志 卷一百八十二
書閣山雲起琴齋澗月留

賜浙江提學臣姜櫛中春憐萬人寒

表裏常交正動靜自弗違

賜太僕寺少卿臣王廷揚再世繼前風

晨搖玉佩趨金殿夕捧天書拜瑣闈

賜刑部福建司主事臣劉芳恩深對異

解藤開澗戶踏石過溪泉

皇上御製詩前朝兩王帝曾至今新

賜大學士臣田從典

百工允敕重朝端職握樞機未易殫出納望同天北斗清
芬品擬省中蘭分曹政治調元氣補袞心懸効寸丹日昃
共期勞庶績履聲長聽下金鑾泰平

皇上御書

文廟

生民未有各省府州縣胥行頒發

賜山西巡撫臣諾岷

澤潤蒸黎

賜贈太僕寺卿汾州府知府臣黃廷柏

成仁取義

賜大學士臣田從典

清謹公方

元衡介福

德重純誠嘉猷資輔弼禮崇惠養眉壽備恩榮

山西巡撫臣覺羅石麟敬輯

山西巡撫都察院右副都御史臣覺羅石麟奉

旨修輯

今平藝文 二 勅制詔誥

唐李延壽論文苑曰江左宮商發越貴於清綺河朔詞義

貞明重乎氣質氣質則理勝其詞清綺則文過其意理深

者便於時用文華者宜於歌詠此南北詞人得失之大較

也若能掇彼清音簡茲累句各去所短合其兩長則文質

彬彬盡美盡善矣繇此觀之南北之文各有獨得詣解而

三晉作者古尤多傑出土不可以莫之錄也志藝文

漢

外高祖擇立代王詔

山西通志

卷一百八十二 藝文

代地居常山之北與夷狄邊趙乃從山南有之近數有胡寇
難以爲國頗取山南太原之地益屬代代之雲中以西爲雲
中郡則代受邊寇益少矣王相國通侯吏二千石擇可立爲
代王北蘇王綰相國何等三十三人皆曰子恒賢知溫良請
立以爲代王都晉陽大赦天下各去泚獄合其兩具順文質
武帝祀后土詔普宜然福祐北南北南人壽大連
朕躬祭后土地祇見光集於靈壇一夜三燭幸中都宮殿上
見光其赦汾陰夏陽中都死罪以下賜三縣及楊氏皆無出
今年租賦

又赦汾陰詔

朕禮首山昆田出珍物化或爲黃金祭后土神光三燭其赦
汾陰殊死以下賜天下貧民布帛人一匹

又赦汾陰安邑詔

朕用事介山祭后土皆有光應其赦汾陰安邑殊死以下

益封霍去病制

驃騎將軍去病率師征匈奴西域王渾邪王及厥衆萌咸犇
於率以軍糧接食并將控弦萬有餘人誅獍悍捷首虜八千
餘級降異國之王三十二戰士不離傷十萬之衆畢懷集服
仍興之勞爰及河塞庶幾亡患以千七百戶益封驃騎將軍
減隴西北地上郡戍卒之半以寬天下繇役

又益封霍去病制

驃騎將軍去病率師躬將所獲輦允之士約輕齎絕大幕涉
獲單于章渠以誅北車耆轉擊左大將雙獲旗鼓歷度難侯
濟弓盧獲屯頭王韓王等三人將軍相國當戶都尉八十三

山西通志 卷一百一十三 藝文 二
人封狼居胥山禪于姑衍登臨翰海執訊獲醜七萬有四百
四十三級師率減什二取食於敵卓行殊遠而糧不絕以五
千八百戶益封驃騎將軍

宣帝嘉霍光詔

大司馬大將軍博陸侯宿衛孝武皇帝三十餘年輔孝昭皇
帝十有餘年遭大難躬秉義率三公諸侯九卿大夫定萬世
策以安宗廟天下蒸庶咸以康寧功德茂盛朕甚嘉之復其
後世疇其爵邑世世毋有所與功如蕭相國

宣帝封霍雲詔

宣成侯光宿衛忠正勤勞國家善善及後世其封光兄孫中
郎將雲爲冠陽侯

元帝賜馮奉世璽書

皇帝問將兵右將軍甚苦暴露羌虜侵邊境殺吏民甚逆天
道故遣將軍帥士大夫行天誅以將軍材質之美奮精兵誅
不軌百下百全之道也今乃有畔敵之名大爲中國羞以昔
不關習之故邪以恩厚未洽信約不明也朕甚怪之上書言
羌虜依深山多徑道不得分部遮要害須得後發營士足以
決事部署已定勢不可復置大將聞之前爲將軍兵少不足
自守故發近所騎日夜詣非爲擊也今發三輔河東弘農越
騎迹射飲飛轂者羽林孤兒及呼速索噉種方急遣且兵凶
器也必有成敗者患策不豫定料敵不審也故復遣奮武將
軍兵法曰大將軍出必有偏裨所以揚威武參計策將軍又
何疑焉夫愛吏士得衆心舉而無悔禽敵必全將軍之職也
若乃轉輸之費則有司存將軍勿憂須奮武將軍兵到合擊

美虜

河東太守堪先帝賢之命而傳朕資質淑茂道術通明論議
正直秉心有常發憤悃信有憂國之心以不能阿尊貴孤
特寡助抑厭遂退卒不克明往者衆臣見異不務自修深惟
其故而反掩昧說天託咎此人朕不得已出而試之以彰其
材堪出之後大變仍臻衆亦嘿然堪治未期年而三老官屬
有識之士詠頌其美使者過郡靡人不稱此固足以彰先帝
之知人而朕有以自明也俗人乃造端作基非議詆欺或引
幽隱非所宜明意疑以類欲以陷之朕亦不取也朕迫于俗
不得專心乃者天著大異朕甚懼焉今堪在衰歲暮恐不得
自信辨於異大將安究之哉其徵堪請行在所吏凡其並天

章帝緣邊歲舉孝廉詔
幽并涼州戶口率少邊役衆劇束修良吏進仕路狹撫接遐
荒以人爲本其令緣邊郡口十萬以上歲舉孝廉一人不滿
十萬二歲舉一人五萬以下三歲舉一人

晉

成帝冊溫嶠制

朕以眇身纂承洪緒不能光闡大道化洽時雍至乃狂狡滔
天社稷危逼惟公明鑒特達識心經遠懼皇綱之不維忿凶
寇之縱暴倡率羣后五州響應首啓戎行元惡授馘王室危
而復安三光幽而復明功格宇宙勲著八表方賴大猷以拯
區夏天不愆遺早世薨殂朕用痛悼於厥心夫褒德銘勲先
王之明典今追贈公侍中大將軍持節都督刺史公如故賜

錢百萬布千匹諡曰忠武祠以大牢前漢晉書史公敬慕
隋夏天不終歲早世發服期用祿制然無心夫爽盡發燠火
而與高祖賜李穆詔即此詔字實燠燠入夫式燠大燠以慈
朕初臨寓內方藉嘉猷養老乞言實懷虛想七十致仕本爲
常人至若呂尚以期頤佐周張倉以華皓相漢高才命世不
拘恒禮遲得此心留情規訓公年既耆舊筋力難煩今勒所
司敬蠲朝集如有大事須共謀謨別遣侍臣就第詢訪

加獎李穆詔

禮制凡品不拘上智法備小人不妨君子具官李穆器宇弘
深風猷遐曠社稷佐命公爲稱首位極師臣才爲人傑萬頃
不測百鍊彌精乃無伯玉之非豈有顏回之貳故以自居寥
廓弗關憲網然王者作教惟旌善人去法弘道示崇年德自

今以後雖有愆罪但非謀逆縱有百死終不推問
追贈獨孤羅父信官爵詔
褒德累行往代通規追遠慎終前王盛典故柱國信風宇高
曠獨秀生民獻哲居宗清猷映世宏謀長策道著於弼諧緯
義經仁事深於拯濟方當宣風廊廟亮采台階而運屬難危
功高弗賞睠言令範事切於心今景運初開椒闈肅建載懷
塗山之義無忘褒紀之典可贈太師上柱國冀定等十州刺
史趙國公邑萬戶

獎陸讓母馮氏詔

馮氏體備仁慈夙閑禮度孽讓非其所生往犯憲章宜從極
法躬自詣闕爲之請命匍匐頓顙朕哀其義特免死辜使天
下婦人皆如馮者豈不闔門雍睦風俗和平朕每嘉歎不能

已宜標揚優賞用彰有德可賜帛五百段集諸命婦與馮相
識以寵異之
唐大醫館二慈及開甄更尊廟非其祀主封以慈章宜於
太宗贈堯君素蒲州刺史詔
隋故鷹擊郎將堯君素雖桀犬吠堯有乖倒戈之志而疾風
勁草實表歲寒之心可贈蒲州刺史仍訪子孫以聞

世高優獎太原勲舊詔

高祖太武皇帝天縱神武膺錄受圖可久之德格乎區宇敦
睦九族協和萬邦賢能必進德化潛洽革百王之弊興三代
之風天平地成邇安遠肅至德被於四海休烈光於千載魏
魏蕩蕩無得而稱焉朕嗣膺寶祚夙夜兢惕思述先志被之
率土其內外姻戚平生故舊太原元從官人及歷試之所文

武僚佐爰洎胥吏往雖每降國恩恐未周悉或才用不申階
品屈滯或家道貧匱子孫淪沈須有矜量咸使得所先朝憂
勞庶政唯以恤民爲本諸州都督刺史政績可稱者宜以名
聞奏其諸州百姓營奉山陵者宜量與蠲免可令所司詳爲
條例聞奏并務從優厚稱朕意焉

武書曲赦并州管內詔

門下上元育物大德基於施生前哲至仁大造原於去殺是
以矜慎庶獄得其情而泣辜兼濟含靈窮其巢而解網朕懷
此道逾切古人彼蒼垂鑒使膺司牧爰自幼齒乃屬時屯五
岳爲封豕之墟四海被長鯨之毒茫茫區夏竝懸命於焚原
蠢蠢窮黎咸轉骨於冰谷是用仁心內發龔討外申吟嘯風
雲揭日月而清大履躡跳山河補乾坤以正封域拯其垂餌

之厄惠其壽考之安煦以陽和同被發生之貺溥以膏潤申
茲凱澤之錫粵自斯壤首建鴻名資此義徒遂登大寶夫小
物不忘稟靈周於兆庶惟朕懷舊植性同其五情語地雖異
中陽論心不殊代邸今茲黃髮已留連於廣宴在彼赭衣宜
霑恩於宥罪可曲赦并州管內貞觀二十年正月十六日申
時以前大辟罪以下已發覺未發覺已結正未結正繫囚見
徒皆赦除之其犯十惡故殺人劫賊傷人謀殺人已傷官人
枉法受財監治主守自盜所監治并常赦不免者不在赦例
其有挾藏軍器亡命山澤百日不首復罪如初敢以赦前事
相告言者以其罪罪之

冊周王爲并州都督詔
夫騰華星苑崇名器於藩維憑暉日御峻寵章於侯服故本

支增蔚鴻緒滋繁而汾陽奧區鎮龍山而控遠冀方腴壤接
雁塞而疏疆連率之寄親賢攸屬咨爾洛牧上柱國周王顯
風則開秀器彩靈明識表魏州之象詞掩蘭臺之駕西園孤
月秀心鏡而齊鳴小山叢桂偃情田而竝烈溫恭夙邵業尚
日新棣萼交芬瑾璋具美是用命爾爲使持節都督并汾箕
嵐等四州諸軍事并州刺史牧及勳封竝如故爾其克修天
爵聿苞地義方資化敷大夏惠漸京陵必宜缺社鳴桴褰帷
廣聽懋宣聲績長綬福履光膺顯命可不慎歟

高宗勞薛仁貴勅

金山大陣兇黨實繁卿身先士卒奮不顧命左衝右擊所向
無前諸軍賈勇致斯剋捷宜善建功業全此令名也

中宗授李承嘉并州太原縣令制

山西通志 卷一百八十三
勅具官李承嘉擢秀士林昇榮禮閣公勤無怠幹制有餘既脩太原是惟舊國爰制美錦實佇良材宜錫崇班佇聞異績可檢校并州太原縣令散官如故

授薛稷諫議大夫制

勅具官薛稷奕代雄詞身濟其美光明雅量士慕其風故能懸帳絕倫昇堂觀奧掖垣密勿字列黃縑仙闥從容文飛赤管箴闕之任惟賢是擇俾登才子子式寵諫臣可諫議大夫餘如故

睿宗授薛稷中書侍郎制

門下慶傳於家者代濟其美才許於國者時無與讓由是密勿爲用訐謨所歸具官薛稷河汾之英廊廟之寶相門前社則名優作誥詞場舊業則譽動飛文公貞性成仁和道勝坦

然之量羣物不干其靜穆如之風九流不測其度頃罹多難克仗嘉謀翼戴朕躬保寧王室厥功茂矣朝廷賴焉俾廻踐於綸闈以增輝於鼎席可行中書侍郎餘如故

贈裴炎益州大都督制

飾終追遠斯乃舊章表德旌賢有光恒策故中書令裴炎含弘稟粹履信居貞望重國華才稱人秀惟幾成務績宣于代工偶居無猜義深於奉上文明之際王室多虞保乂朕躬實著誠節而危疑起釁倉卒罹災歲月屢遷邱封莫樹永言先正感悼良多宜追賁於九原俾贈容于萬古可贈益州大都

督

元宗授薛訥右羽林軍大將軍制

出師禦寇功成於告捷振旅休兵禮備於行賞具官薛訥勲

閱良將邦家老臣讀太公之立言受穰苴之爲法德業中遠
牆仞罕窺智謀宏遠泉源不竭須佇公孫之績頗蠲孟明之
罪遂能長驅隴上深入湟中殲厥羌戎殘其蠱毒野無遺孽
朝有茂勲宜應設壇之寵俾光期門之寄可右羽林大將軍
上柱國河東郡開國公
授郭虔瓘等右驍衛大將軍等制
有功必賞勸所以教人立志爲邦作程者也具官郭虔瓘郭
知運等負將帥之才展熊羆之効義烈忠壯以詢其謀智謀
勇敢不憊其策頃者邊庭之際孤城獨守戎力困乏歲時圍
逼矢石交下金湯自堅護甘漢之所歷懷范羌而莫至獨能
宣我王命殫其士力不顧左殷仍於右斷厥功至矣朕甚嘉
之宜登絕席之任方盛題坐之禮虔瓘可冠軍大將軍右驍

衛大將軍知運可雲麾將軍右驍衛將軍餘各如故

授裴耀卿檢校考功員外郎制

勅具官裴耀卿士行純密文詞典麗時人許其清秀職事推
其綜核惟才是舉方憑止水之明在位斯聞佇考觀光之彥
可檢校考功員外郎

授柳冲兼溫王師制

勅具官柳冲族茂汾鼎價珍垂璧雅負通才備聞遺訓探六
經之奧如叩鴻鐘窮百氏之源若披明鏡挾輿切問侍從增
榮擁篲崇儒師資佇德可兼溫王師

授王仁皎開府儀同三司制

后族之榮况有資敬台儀之重允應旁求特進王仁皎盛門
華緒當代賢戚不言而自有陽秋從信而罔愆風雨軒心作

山西通志 卷一百一十三 藝文 九
範已寵於金穴魯管增輝更芳於玉樹三事斯擬百工式瞻
俾延椒臺之祥宜助槐庭之理可開府儀同三司口列盈門
授裴淮兵部侍郎制三府歸元戎後山嶺新行無異
勅具官裴淮敏學聰亮雅詞微婉陽秋具體夙夜在公精義
析於連環規矩同於匪石久典清密見稱忠信簡稽是務軍
國是殷宜擢美才俾敷戎政可尚書兵部侍郎勲封如故

授柳渙司門郎中制

勅具官柳渙色莊心勁瞻學能文堅守憲章務從條理爲時
所重滿歲當遷宜罷臺轄更司門鍵可守尚書司門郎中散
官如故

封郭虔瓘潞國公制員外郎

聞鼓鞞之聲者則思於將帥裂土茅之賦者則念彼勲庸具

官郭虔瓘忠壯超倫智謨絕等決勝千里懷孺子之兵符通
知四夷有老臣之戎律往者鎮于荒裔獨守孤城煮弩而其
人益堅引弓而彼衆不敵故得愛子染鍔名王解辮穹廬掃
地而將空沙漠聞風以歸附功則茂矣朕實體之宜誓河山
開其井邑可進封潞國公食邑三千戶仍賜實封一百戶餘
竝如故

封張嘉貞河東縣男制

任事而爵古之彝訓論功以封朝之通典具官張嘉貞忠肅
恭懿宣慈敏達涵清明以毓德體文武而成器自光帝載昭
宣廟謨鼎味用和台階增峻事君有犯而無隱奉國以公而
滅私持其憲章式是軌度既邦教有敘亦王猷以穆頃統軍
政則城朔方爰底其績未疇厥賞固宜命以圭社崇其禮物

山西通志 卷一百八十三
俾楚臣授邑克表寢邱之制漢道優賢更叶平津之美可封
河東縣開國男食邑三百戶
宣德置北都制

經邦創制建都設險必因時順人統物立極我國家以神武
聖德應天受命龍躍晉水鳳翔太原建萬代之模爲億兆之
主猶成湯之居亳有周之興岐顧朕眇身纂承昌運守宗社
之大寶恢中原之鴻業叶時卜狩始經此都事本因心情兼
惟舊近者嘉祥荐至休瑞屢臻此皆宗祏降靈神祇潛暨豈
予匪德獨享厥休昔堯理唐郊式建丹陵之地漢居洛邑更
表南陽之都今王業所興宮觀猶在列於邊郡情所未安非
所以恢大聖之鴻規展孝思之誠敬其并州宜置北都改州
爲太原府刺史爲尹司馬爲少尹太原晉陽爲赤縣諸縣爲

畿縣官吏品第視京河南府軍宜唱真欽憲簡回輿中封聯
陳具除裴耀卿黃門侍郎張九齡中書侍郎同平章事制
風雲之感必生王佐廊廟之任爰在柱臣具官裴耀卿含元
精之休體度弘遠張九齡挺生人之秀器識通明竝風望素
高人倫是仰可以叶彼寅亮當茲啓沃幹時待士旣資鼎實
之和爲國急賢寧惟金革之事耀卿可黃門侍郎同中書門
下平章事弘文館學士散官勳如故九齡可起復中書侍郎
同中書門下平章事兼修國史餘如故

授裴遵慶給事中制

勅具官裴遵慶清正介直公才雅望智能利物行可檢人今
冬夏務殷宰臣任重是資髦士以佐輔軒宜居駁議之職仍
領銓衡之務可給事中

授裴綜起居郎制

勅左史記事君舉必書先王之制也晉則董狐書法不隱楚則倚相能讀典墳善惡成敗實由其言慎擇端士求難其人具官裴綜緒業清純言行惇敏俾之直筆廣勗厥官可行起居郎書門下平章事兼知國史館

授裴諤考功郎中制

勅君子立義爲勇在國而能通故全其節而成其務矣具官裴諤言忠信行篤敬有敏才斯可與權有直道磨而不磷造次顛沛秉心塞淵宜獎固之風緝臺閣之政可守考功郎中

授董晉殿中侍御史制

勅具官董晉恪慎勵精詳於吏事飲水將命克有成績準繩之地舉直任能俾彰善於使車宜卽真於憲簡可殿中侍御

史

授裴敦復等中書舍人制

勅具官裴敦復等竝行標純一材蘊經通或學辨文鼠核綜兼於隱蹟或詞握靈蛇光輝映於等夷職居要劇聲振發揮近密之職搜擇宜精俾對掌於絲言兼聯華於省闈可依前件

授裴敦復刑部尚書制

六卿分職朝選猶難三典佐王邦寄尤重具官裴敦復深沈偉量磊落宏才識無不通俎豆兼於軍旅行有餘力文學資於政事頃者巡撫江徼肅清姦宄太叔之謀既能止盜穰苴之法亦在安人功實簡心賞宜超等委之刑柄俾踐白雲之司錫以身章更增金印之秩可銀青光祿大夫守刑部尚書

山西通志 卷一百八十三 藝文 三
勲賜如故

授裴寬戶部尚書制宜宜缺於交之既神與遊白雲之門下敬敷五教保息萬人缺官而擇副相惟允具官裴寬器識高明風規端肅審諤之用累驚鳥而莫當操割之能斷犀革而何有亟登臺閣嘗擁旌旄禮樂爲從政之文德刑是戢兵之武雖地卿所掌實佇通才而天憲惟艱尚資兼領宜曳尚書之履仍紆大夫之印可守戶部尚書兼御史大夫散官勲賜如故

兼外肅宗勅蕭華同平章事制

弼予之選審象是求天步未平廟謨尤切必資明表佇以佐時畫一之才取則不遠具官蕭華公輔成名承家繼業詞標麗則德蘊謨明再履宮坊尤知至行致君望美閱相求能且

推伊陟之賢更啓漢臣之閣還依日月佐理陰陽俾叅政於紫宸用建中於皇極可中書侍郎同中書門下平章事集賢殿崇文館大學士監修國史

代宗授王縉侍中兼河南都統制

門下天地之德資陰陽以成功帝王之道任將相而興化聿求左輔命掌元戎必藉文武之才用經軍國之務具官王縉有高妙之行有弘達之識學該古訓文正國風夢帝賚予濟川用汝百揆時敘四維克張累陳造膝之言彌契沃心之道濱海之右自河而南王旅攸同戎車殷會監於方伯之國利用建侯之司天將息人予有禦侮鎮漢沔淮淝之地統齊梁魯鄭之軍總制高牙紀綱羣帥弘七伐四征之策成一匡九合之功式遏外虞底綏多難將授銅符之律爰咨鎖闥之謀

山西通志 卷一百八十三 藝文 三
往哉汝諧無替朕命可侍中持節都統河南淮南淮西山南
諸道節度行營事仍進封郡公食邑二千戶餘竝如故
賜王縉詔 朕息人子皆樂於國
卿之伯氏天下文宗位歷元朝名高希代抗行周雅長揖楚
辭調六氣於終篇正五音於逸韻泉飛藻思雲散襟情詩家
者流時論歸美誦於人口久嚼文房謨以國風宜登樂府
朝之後乙夜將觀石室所藏歿而不朽栢梁之會今也則
乃眷棣華克成編錄聲猷益茂歎息良深

授辛德謙丹延團練使制

勅上郡北地義渠故國臨制戎敵屏翰關中當此襟要難於
鎮守具官辛德謙山西出將代有勲業長才偉畧主之以忠
峻節明斷服之以禮頃者職貳留府望重分鎮橫絕大漠堅

守孤城能詳武經載討軍實推以恩信濟其威懷士卒知方
羌夷服化休有茂績著於北邊用觀勞臣俾膺重任委以藩
事捍茲戎疆列在儲案之右叅於憲臺之長中外兼榮服我
嘉命可試太子詹事兼御史大夫持節都督延州諸軍事兼
延州刺史充丹延兩州都團練使守捉使散官勲封如故

授敬括御史大夫制

門下天子綱紀屬於風憲所以彈肅公卿課第牧守姦詐不
息法令將廢豈奉憲者道未明與眷求忠賢舉我事典具官
敬括河汾大儒博達今古清心素行高簡自居粲然文章如
振金石職更要重處以公亮不持祿以私身每依經以制事
頃以馮翊近輔化叅京師周殘之餘勞徠所屬自廷尉之列
分內史之餘清靜而鎮流庸悉歸閭閻小康理行第一休有

山西通志 卷一百八十三 藝文
聲績副茲厚遇肆予命爾亞秩台司無以時或多虞法有所
貸必訪故實以澄源流直道而行不佞者遠慎乃名位爲時
行之可行御史大夫散官勳封如故以承良紳外繁以歸專
楚許授裴遵慶吏部尚書制心素行高簡自朕樂然文章峻
門下尚書萬事之本選部五曹之右以掌邦典以論官材漢
魏以來多用宿儒高德蓋重其任也具官裴遵慶周慎禮節
敬讓素居博學而識前言懿文而知大體迺者匡弼王室克
和庶政訓導諸宮用弘三善日新之美歲晚彌彰自陶融於
元和丕嬰拂於俗務名臣令望清議攸歸處以銓覈用澄流
品抑華取實無俾滯才可吏部尚書散官勳封如故榮顯
美授王翊刑部侍郎制非登限曠於引申重丑委以
門下書曰惟敬五刑以成三德秋官之任也貳卿良選其在

茲乎具官王翊力行近乎仁率性之謂道學以博物文能變
風出入中外茂昭聲實靜而居易受不辭難使乎四方不辱
君命斯之謂矣今丕蔽未明簡孚未允命爾作小司寇敬平
邦憲在寬可行刑部侍郎幸以刑部侍郎

授薛邕吏部侍郎制

門下昔禹謂咎繇曰知人其難之魏武又云使吏部用心如
毛玠風俗之易差不難矣今之銓綜但抑華崇本鎮以禮讓
則庶官羣才不濫於進具官薛邕含和保真莫見其際雄詞
秘學德行之餘信厚可親朝之英達往者潤色鴻業煥發絲
言之美又與五經諸儒質正石渠之論擢以公望貳於秩宗
豈惟人神之和兼舉孝秀之目鑒裁高朗加以直清進退可
否歸於精實慎乃服命五年如初擇吏辨言宜當盛選無易

山西通志 卷一百八十三 藝文
前政副子得人可守尚書吏部侍郎餘如故
豈非德宗授馬燧渾瑊副元帥招討河中制以直書
門下天地殊位君臣異制苟不率道茲爲亂常退而增修於
是有舞干之義諭以遷善於是有文告之辭若猶未悛乃用
致討興戎動衆豈得已哉李懷光擢自軍候委之節制亟有
勤績累加寵榮總衆駿奔自遠赴難解圍盜寇朕甚德之位
極上台寄崇統帥親之若同體信之無間言朕於斯人亦已
厚矣而器小任重固貽顛覆有功自棄無過自疑崇信讒邪
却逐將帥養寇資亂蓄姦幸災朕素所推誠尚謂非實優容
任遇坦然如初凶德既盈醜迹彌露謀危社稷通結渠魁公
相往來無復畏避肆極兇悖所不忍言朕播遷巴梁遠違陵
寢大懼失墜爲列聖羞賴先澤在人兆庶知感朔方將士忠

節不渝懷光旣阻姦謀詭稱効順累陳欵疏請詣闕庭朕深
惟舊勳務欲全貸授以師傅之重疇其井賦之食鹽書勞問
誓以始終懷光遂殺辱使臣完聚守備將以悖慢之罪加於
忠義之軍因茲脅從冀與同惡謂衆可罔謂天可欺覆載所
不容人神所共棄討除大憝招緝非辜爰咨輔臣以董戎寄
具官馬燧操業端亮氣宇宏達秉難奪之節負不羈之才恒
持至公深識大體感慨而三軍有勇彌綸而庶績允諧威聲
所臨郡邑皆服殿于北土隱若長城渾瑊淳粹積中仁厚成
性布寬大以容衆著誠信以撫人事必沈詳臨危益辨節惟
正固在險逾彰弘濟艱難茂昭勲闕出納朕命光膺具瞻竝
文武全才安危注意副我憂囑時惟二臣比德叶謀往濟多
難燧可兼充奉誠軍及晉絳慈隰等州節度并管內諸軍行

山西通志 卷一百八十三 藝文
營兵馬副元帥餘并如故城可兼河中絳州節度觀察處置
等使仍充河中同絳陝虢等州節度及管內諸軍行營兵馬
副元帥功臣開府本官勳封竝如故嗚呼朕之不敏不明失
於君道連禍未息勞師靡居中心自咎鬱若焚灼又以朔土
之衆大著忠勞橫遭汗脅深所憫惜爾其敬敷朕命明諭朕
懷務於招綏非黷威武惟輸誠歸順罔有不赦惟執迷拒順
罰正元兇寧失不經無濫非罪列爵懸賞用俟勳賢布告遠
邇咸令知悉
忠義授張重政雲麾將軍詔
前昭義軍泗州行營衙前兵馬使大中大夫試太子賓客兼
監察御史張重政門有勲力惟推義勇夙聞克家之美常稱
撫衆之才近者其父初亡羣小煽惑誘以奇計俾執軍麾而

重政與其母氏號泣固拒遂全懇願奔告元戎不爲利回成
其先志於家爲孝承在國爲忠臣軍政又安行義昭著念茲
名節感歎良深宜洽恩榮俾弘激勸禮無避於釜革理當由
於權奪戎章憲府式示兼崇可起復雲麾將軍守金吾衛大
將軍員外置同正員檢校太子詹事兼御史中丞仍委淮南
節度使與要職事任使
門下憲宗授武元衡門下侍郎平章事制
門下朕嗣守丕業行將十年實賴一二輔臣與之共理故外
鎮方域則仗以爲將有絳侯厚重之資有丙吉寬大之風自
登台司克諸人望頃屬巴蜀軍後人殘權委節旄俾往鎮撫
信及夷獠恩加疲瘵每因利以施物不易俗而脩教政無苟
簡人用便安惠茲一方時乃之績報政已久屬望益深宜歸

左輔以參大政夫坦然大道可以敘衆才曠然虛懷可以應羣物弼違救失不以尤悔爲慮進善紕惡不以親讐自嫌用此輔君足爲名相欽率是道往復乃官可守門下侍郎同中書門下平章事爲深宵錄對早重之資深丙吉實大之屬自門下裴均拜相制法深十年實屬一二雖與之共歷時公門下朕聞后德惟臣良臣惟聖在太宗時實有房杜贊貞觀之業在元宗時則有姚宋輔開元之化咸克祐我烈祖格於皇天朕祇奉丕圖懋繼前烈思欲正百度和萬邦建中於人垂拱而治永惟房宋之化寤寐求思至誠感通上帝眷祐果賚良弼輔予一人具官裴均器得天爵文爲國華行有根源言無枝葉忠敬恭順輔之以誠心方潔貞廉輔之以通識玉立不倚扣之有聲洎潤色綸言密叅樞務嚴重得大臣之體

溫雅秉君子之文每獻納之時動有直氣當顧訪之際言無隱情遠圖是經大事能斷匡子不逮時乃之功及領地官且司邦賦會計務劇出納事殷投利刃而皆虛委紛絲而必理歷試茲久全才益彰宜登中樞以允僉望夫宰輔者下執邦柄上代天工爲國著龜注人耳目爾尚降乃德以親百姓廣乃志以序九流匡朕心而清化源從人欲以致和氣予欲宣力汝爲股肱予欲詢謀汝爲心膂予違望于汝弼勿謂不從汝言逆於朕心必求諸道獨立勿懼直躬而行明聽斯言敬慎厥位鳴虺罔俾房宋專美於前可守中書侍郎同中書門下平章事散官勳賜如故

張弘靖拜刑部尚書同中書門下平章事制

門下虞以爲盛猶咨五臣殷之用興亦賴三后朕勵精恭已

山西通志 卷一百八十三 藝文
十載于茲常以國鈞委之公輔務熙庶績敢怠旁求思欲左
右有人在廣股肱之任歷選列辟洎于藩維冀獲賢能俾匡
正道爰茲所命允屬至懷具官張弘靖德緻精微器含冲用
溫恭諒實明允克誠素推君子之風雅有大臣之體蘊積稽
古之學發揮經緯之文嘗司朕言動吐謨訓歷踐清貫其揚
淑聲爰統方州載膺節制奉法遵制存公無私人無不懷績
用丕茂予欲正百工之理成太平之階若臨巨川以重舟楫
是用命爾列於中台每念臣隣之規以貞棟崇之吉少翁積
慶嗣德漢廷文子勤身繼匡晉室爾惟朝夕納誨以翊朕躬
是資哀職之勤式重緇衣之美仍帥司寇之屬俾靖臯陶之
刑懋宣厥猷往踐于位可守刑部尚書平章事散官勲如故
監軍張弘靖拜中書侍郎同平章事制其當爾德之烈言無

門下贊天地之化阜成萬物正邦國之紀康乂羣生夢寐旁
求精誠生達况乎明誠以久嘉猷日聞股肱之任耳目所注
具官弘靖實天生德惟嶽降神端方靜深信厚溫密質抱荆
山之璞光含魏國之寶錯爾素履穆然清風出備爪牙總近
關之紀律入膺喉舌練中臺之法制從容宰輔密勿鼎司誠
惟在公慮必經國濟川舟楫人望具瞻和美鹽梅朕志先定
宜登右弼之任用正中台之耀纂乃祖考光於家邦於戲天
工人代予爲汝翼必當悉乃力同乃心役天下之才以貞百
度通天下之志以佐萬幾唯直道是行唯讜言是進內懷親
附拯黎元之方因外思鎮撫偃兵甲於將興勿優養以崇名
無遠巡而避事對揚成命時乃之休可守中書侍郎同平章
事

裴度拜相制

輔相之任重作予股肱經濟之才難注人耳目苟非慮周物表識洞事先則何以出納中樞平章大政詢于時論僉曰汝諧具官裴度勁直循道清明秉彝文融菁華行茂枝葉居然廊廟之器出于領袖之門西掖司言南臺執憲常懷遠略屢告嘉猷實宣力以徇公况外身而憂國霜雪無改雷風有恒朕欲旋觀其能用試於事俾歷戎閫載馳使軒王澤渙汗以遐宣軍情密勿而上達將議抽擢因罹震驚崇道德之藩籬士有致命資忠信之甲冑兵無容刃人具瞻爾天方賚子昆命于龜爰立作相爾其展四體堅一心廣其道以用賢厚其風以易俗五兵未戢爾惟保定武功百姓未廣爾惟勤恤人隱臨事必斷當官而行齊台階於底平補袞職之有闕光膺

慎選其戒之哉可朝議大夫守中書侍郎同中書門下平章事勳賜如故

夫王涯拜相制前其辭將謝職曰夫以事以矣要

門下上宰叅職所以法三台之耀中樞議政在乎遂萬邦之宜朕獲承鴻休思建皇極冀沃心而納誨恒注意以求賢具官王涯動直靜專踐方居易挺歲寒之勁質抱夙夜之端誠言唯守中慮每經遠屬者禁垣揮翰五字日宣選部持衡九流風動薦居肘腋之地歷試股肱之才進嘗伏於青蒲出不洩其溫樹牟融得大臣之節毛玠有古人之風詢廟算以生知論兵鈴而暗合方今戎馬尚駕郊壘猶多必俟清明以消氛沴是用付以機密陟於崇高爾其發號令以端四方陳便宜以寬百姓行臺閣之故事弘朝廷之大體秉德以立徇公

不回俾予一人垂拱而理敬聽朕命懋哉懋哉可守中書侍郎平章事以彰高爾其發遣命以崇四六刺與
門下輪弼之臣軍國是賴興化致理則秉鈞以居取威成功則分闔而出所以同君臣之體而一中外之任焉屬者問罪汝南致誅淮右蓋欲刷其汙俗吊彼頑人雖棄地求生者實繁有徒而嬰城執迷者未革其志何獸困而猶鬪豈烏窮之無歸歟由是遙聽鼓鞀暫輟樞軸授以成算董茲戎旃具官裴度爲時降生協朕夢卜精辨宣力堅明納忠當軸而才謀老成運籌而智略前定司其樞務備知四方之事付以兵要必得萬人之心是用禱於上元擇此吉日帶丞相之印綬所以尊其名賜諸侯之斧鉞所以重其命爾宜大布清問恢壯

徽猷感勵連營蕩平多壘召懷孤疾字育瘼傷况淮西一軍素効忠節過海赴難史策上勲建中初攻破襄陽擒滅崇義比者脅於兇逆歸命無由每念前勞常思安撫所以內輟佐輔爲之師帥實欲保全慰諭使各得其宜爾往欽哉無越我丕訓可守門下侍郎同中書門下平章事使持節蔡州諸軍事兼蔡州刺史充彰義軍節度管內度支營田使申光蔡等州觀察處置等使仍充淮西宣慰處置使散官勳如故
授韓弘河中節度使制

門下王者統馭萬寓緝熙庶政必有文武全器柱石之臣出壯藩岳入和台鼎使其效彰中外聲播華夷所居而人心自寧所泣而軍令自肅克是任者其惟至公具官韓弘受天地凝粹之氣得山川崇深之靈厚其體而壯其容虛其心而宏

其量早洞戎韜之學久膺節制之權隱然大梁克有成績及
功宣盪寇志展勤王懇申戀闕之誠竟遂來朝之禮位高百
辟榮冠一時恩極而愈恭名光而益勵朕方欲樹以垣翰仗
乎忠賢乃瞻關河之首實惟股肱之郡自昔重寄無非元勳
是用命以上公復茲雄鎮於戲頃居東夏父子偕分闔之榮
今處近郊伯仲竝登壇之貴道苟積於忠實顧何愛於寵章
往惟欽哉副我明命可守司徒兼中書令河中尹充河中晉
絳慈隰等州節度觀察處置等使散官勳封如故

諱為穆宗授王播中書侍郎平章事兼鹽鐵使副制無幾奸
門下昔蕭何用新造之漢而能調發子弟完補報亡使關東
糧饋不絕者以其盡得秦之圖籍而周知其衆寡也我國家
秉中聖之區寓提億兆人之生齒而曰不能足食足兵朕

甚惜焉得非調陰陽撫夷夏者不欲侵貨泉之任而主會計
較虛盈者不得參邦國之重乎于今兼之允在能者具官王
播在德宗時以封詔入仕踐履臺閣由御史中丞京兆尹掌
縣官鹽鐵為春官尚書乃長邑髦以控蠻蜒盡稱厥職達于
予聞驛詔徵還梗殿與語得所未得聞所未聞昭然發蒙幾
至前席重委操剡鋒刃益精國有羨財而人不加賦東師在
野物力蕭然不有主張孰能戡濟是用命爾作相仍以舊務
因之爾其西備戎羌東定燕冀內實九府外豐萬人百度羣
倫罔不在爾於戲典謨訓誥行之具存邪正是非知之孔易
予唯以不敏不明故用爾為股肱耳目又安能以一二戒誨
垂之空言爾其自勵于爾心無令觀聽者論爾於鄉校可守
中書侍郎同中書門下平章事依前充諸道鹽鐵轉運等使

山西通志 卷一百八十三 藝文 三
散官勳封賜如故

垂之加裴度鎮州四面招討使制
門下傳云死者不可復生刑者不可復續是以先王斬一支指殺一犬彘莫不伏念隱悼至於旬時決而行之蓋不得已也予於鎮人亦既伏念俟其悛革詎止旬時乃命相臣招懷撫諭矜其誑誤示以生門期於盡脫網羅豈可驅之陷奔而豺狼當道荆棘率衣雖欲歸於有仁厥路無由而至况王師壓境義勇爭先朕每抑其鋒鋌未忍覆其巢穴是猶愛稂莠而傷稼穡養癰疽以潰肌膚獨懷兒女之仁慮失祖宗之典今上台居鎮算畫無遺操晉陽之利兵驅屈產之良馬舉河東義武之衆合滄景澤潞之師當元翼受命之初乘田布雪寃之頃舉毛拾芥其易可知兼用威恩尚存招致宜令河東

節度使裴度充鎮州四面招討使於戲以一城之卒敵天下之師狗彘獮之徒抗君父之命吾哀爾輩死實無名苟能自新亦冀容汝

加裴度幽鎮兩道招討使制

夫以區區秦伯而猶念晉國曰其君是惡其人何罪况朕均養億兆爲之君親燕人冀人皆爲乳哺而育之者安忍以豺狼驅脅之故絕其飛走盡致網羅止行犯命之誅是用開其一面具官裴度昔者區域之中蜂蟻巢聚蔡有逆孽齊有狡童厥初圖征疑議滿野不懼不惑挺然披攘苟無司南允罔能濟佑我憲考爲唐神宗實惟股肱運用心力肆朕小子蒙受景靈冀服於前燕平於後而撫馭失理盤牙復生求思弭寧中夕有得國老尚在夫何患焉是用亟宣懇惻之誠就加

招撫之命於戲頃者師道元濟乘累代襲授之資藉山東結連之勢以丞相布畫於千里之外使諸將持重於四封之中而猶劉悟裂虵豕之軀李佑潰鯨鯢之腹蓋逆順之情異而忠孝之道明也况彼幽鎮無名暴征以丞相近觀其宜以諸將齊奮其力斧鑕之刑坐迫椒蘭之氣外薰誰不自愛其生焉能與亂同死度宜開懷緩帶以待其歸可依前守司空兼門下侍郎同中書門下平章事河東節度使充幽鎮兩道招撫使餘如故

授李光顏檢校司空制

門下授鈇鉞之寄當兵車之會力鋤兇險志殄寇讐星霜固難奪之誠始終見師貞之節嘉猷益茂力集休勲宜崇寵光肆於時夏考諸前志斯爲大經具官李光顏崆峒秀氣爲時

生才謙和不流簡厚能斷本忠信以經武閱詩書以理戎首職北垣聲雄大虜受命旣平於朔野懸軍亦剪其巴庸已積功勞銘在鍾釜朕以淮瀆負固歷紀稽誅自授兵符獨運明略分營先得其地險吞敵屢挫於賊鋒嘗下名城拔其趙幟制勝之術動合鬼神百戰表於忘軀一心注於報國歲月滋久堅誠不回當兇妖就執之初是瀆黨乞降之際單騎以入其柵壘免胄而吊其傷殘納之不疑乃見全德今攬槍已滅申蔡無虞寢興以思用息戎馬則報功顯秩位宜重於三公馭貴殊勲賦亦開於千乘陟論道之優禮獎述職之崇名爾其敬之無替舊服可檢校司空使持節許州諸軍事兼許州刺史御史大夫依前充忠武軍節度管內度支營田陳許等州觀察處置等使仍賜上柱國封武威郡開國公食邑二千

戶散官勲如故

陝東授李源左諫議大夫詔軍機與晉內史文營田刺史等
詔曰禮著死綏傳稱握節捐生守位取重人倫爲義甚明其
風或替言念於此慨然興懷而朝之公卿有上言者云天寶
之季盜起幽陵振蕩生靈噬吞河洛贈司徒忠烈公愷處難
居首正色受屠兩河聞風再固危壁首立殊節到今稱之其
子源有曾閔之行可貫於神明有巢由之風可希於太古山
林以寄其迹爵祿不入於心泊然無營五十餘載夫褒忠可
以勸臣節旌孝可以激人倫尚義可以警澆浮敬老可以厚
風俗舉之四者大儆於時是用擢自衡門立於文陛處以諫
職冀聞讜言仍加印紱式示光寵可守左諫議大夫賜緋魚
袋仍勅河南尹差官就所居敦諭遣發

備職授劉悟昭義軍節度使制爾其念若無替八節人之
昔潢池驟變則龔遂亟行河內去思而寇恂來復所以順人
情而急時病也况雞澤衡漳附於正黨控帶河洛搯東燕趙
其土瘠其人勁養理訓習尤所重難具官劉悟前臨是邦其
政方睦兵甲完備師徒具嚴刑當罪而人不寃賞當功而財
不費軍政威而非虐吏道察而不苟州里行信讓之風鄉曲
除武斷之患方將久次以惠斯人而難起幽陵救深焚溺輟
於旣理與彼惟新乘軒纜及於邢郊妖彗忽生於冀分空沉
合座未辨渠魁予懷震驚物聽傾駭校其遠邇當分後先遂
駐腹心之雄以供臂指之用復還龍節再息棠陰勉受新恩
無移舊貫可依前檢校司空兼潞州大都督府長史兼御史
大夫昭義軍節度副大使知節度事澤潞磁邢洺等州觀察

山西通志 卷一百八十三 使勲封如故

無授張弘靖門下侍郎平章事制大濟晉祚具史兼時史
夫佐佑天子燮理陰陽平章法度登進賢哲外撫夷狄內安
元元使百官各修其職一物不失其所此宰相之任也朕思
得良弼馴致此道咨命予汝其殆庶乎具官張弘靖惟乃祖
乃父代居相位咸有成績於旂常爾其忠正恭肅文以禮樂
日濟其美振揚家聲一時之人謂之才子亟登清貫益著令
聞洎出刺陝部移鎮蒲坂政不苛細甚得人心寮吏將卒皆
樂爲用清簡之化聞於京師由是鄭風緇衣之好漢廷元成
之美朝望時議翕然與之人謀旣同朕志亦定乃用登爾以
左輔授爾以大政尚克欽乃嘉命業乃代官竭其股肱服我
前訓嗚呼三代爲相邦家之光爾其念哉無替乃前人之徽

烈

率授張弘靖太原節度使制

授鈇鉞之賜其惟爪牙掌管籥之司允歸心腹况乎天兵作
鎮王業成都全晉山河陶唐風俗外以威懷七狄內以承衛
二京操節制戎帥之權兼澄清列郡之寄訓齊五校表率一
方歷選元僚無逾上相中書令張弘靖高蓋若慶大珪含章
和順在中莊敬發外翼翼有致君之道兢兢懷許國之忠言
觀器能早授方任風謠果洽於分陝膏潤實彰於近關洎登
爲鼎臣輔我袞職出納萬務清明一心弘宣遠猷慎守成式
夢帝所賚伊人是瞻朕以龍山之前卒乘殷會鴈塞之上稽
胡雜居求明略以拊循資盛名而鎮定是用輟於鈞軸授以
節旄崇高超列於天官密勿遙參於台席敬聽後命載揚先

山西通志 卷一百八十三
聲在貞元初乃考成肅公彌諸德宗以敷景化肆予嗣位推
爾業官匪惟勤勞於我邦茲亦光輝於爾室於戲入而惟輔
出而爲藩行思永圖勿替舊服可檢校吏部尚書平章事充
太原節度使散官勳封如故
授薛存誠御史中丞制
勅庶官之政得人則舉况中丞執憲準繩之司所以提振紀
綱端肅內外蓋一職修者其斯任之謂與給事中薛存誠選
自郎署列於左曹居必靜專言皆讜正章疏駁議多所忠益
可以執憲立於朝端况副相方缺臺綱是領糾正百官爾得
專之夫直而不絞威而不猛不附上以急下不犯弱以違彊
率是而行號爲稱職敬服斯命往其懋哉可御史中丞餘如
故

授柳公綽御史中丞制
勅中憲之設糾謬懲違一引其綱百舉其職非清與直不稱
厥官諫議大夫柳公綽忠實有恒文以詞學介然端正有古
之遺風頃居臺憲累次郎位持平守正人頗稱之擢首諫司
器望益重今副相缺位中司專席惟有守者可以執憲惟無
私者可以閑邪詢事審官爾當是選光昭新命振起舊章宜
一乃心以揚其職可御史中丞散官勳如故
敬宗封晉王制

門下昔周室之興也藩戚竝建式資於維城漢氏之制也皇
子畢封用固於磐石斯所以載弘丕緒惟懷永圖且茂德於
本支遂推恩於嗣息况某祗荷眷祐屬當長賢宜承寵章允
膺舊典長男普幼稟異質夙應嘉祥旣表岐嶷之資日慕恭

良之性朕以寡昧虔奉宗祧庶明父子之親以及君臣之義
命以樂國錫以介珪用敷可久之基爰叶至公之道可封晉
王宜令有司擇日備禮册命

昔漢以孔光降置凡之詔晉以鄭冲申奉册之命雖優隆者
德顯重元臣而議政不及於咨詢用禮止在於安逸朕勤求
至理所寶唯賢顧諟舊勞敢不加敬繇是委宰制於大政釋
叅決於繁務時因聽斷誠望弼諧遷秩上公式是殊寵具官
裴度稟河嶽之英靈受乾坤之間氣珪璋特達城府洞開外
茂九功內苞一德器爲社稷之鎮才實邦國之楨故能祇事
累朝宣融景化在憲宗時掃滌區宇爾則有出車殄寇之勲
在穆宗時混同文軌爾則有叅戎入輔之績在敬宗時阜康

兆庶爾則有活國庇人之勤迨弼朕躬總齊方夏爾則有吊
伐底寧之力皆不遺廟算布在簡編功利及人不可悉數而
朝論益重我心實知方用臯陶之謨適值留侯之疾瀝懇牢
讓備列奏章塞詔上言動形顏色果聞勿藥之喜更俟調鼎
之功而體力未和音容尚阻不有優崇之命孰彰寵待之恩
宜其協贊機衡弘敷教典論道而儀刑卿士宣德而鎮撫華
夷嗇養精神保綏福履爲國元老毗予一人可司徒平章軍
國重事待疾損日每三日五日一度入中書散官勲封實封
如故仍備禮册命

授裴休宣武節度使制

門下將相大臣內外迭任入奉股肱之寄出爲藩翰之雄無
爽具瞻式彰注意具官裴休氣稟嶽靈夢叶巖瑞威鳳孤翔

於玉圃仙鶴獨步於芝園學精典墳文緯邦國自掖廷對策
諫列升班粉署擅貳卿之榮綸闈迴五字之妙洎司饋運整
葺牢籠策畫每得於親聞功庸必見於顯効章程軌範歷試
無差是用付以權衡宜承任委咨之遠略炳然大綸四后協
心萬方繫爾今百度有截庶績其凝前時屢以疾辭猶煩卧
理豈無優賢之道因遂由衷之意乃眷梁苑實爲重藩荒太
原於周疆接小沛於貢壤富庶將及悍勇無譁仁化已洽於
一方清風漸扇於全境閉關自固懸嚴不鳴可仗台臣寘之
靜理爾其踐厥位暢厥庸侯服旣增相印不解輔弼莫繫於
遠邇聲容漸聞於朝昏敬哉戒哉服我重命可檢校戶部尚
書同中書門下平章事使持節汴州諸軍事行汴州刺史充
宣武軍節度副大使知節度事汴宋亳等州兼觀察處置亳

州太清宮等使散勳封如故惡乎而發其威靈天祿對幾
濟通武宗授崔元式太原節度使石雄河中節度使制
築壇命將在選攸難建旆臨戎爲榮斯極况并汾有豐沛之
舊蒲絳居關輔之雄擢其才能付我憂寄具官崔元式族茂
鼎甲器合珪璋明當察毫智必周物所涖之職居然有聲音
絳行營諸軍節度使銀青光祿大夫檢校工部尚書武威縣
開國男食邑三百戶石雄業擅韜鈴志堅金石勇無前敵義
必忘身所舉之鋒何往不利况佩服榮顯作時津梁或劇職
名藩累聞於尤績或南征北伐常紀於殊勳龔黃之接武尚
優廉白之差肩無媿爾其懿效吾乃宣言陟明之命是曰彝
憲噫并部叛卒已見成擒壺關狡童尚偷餘息干戈未偃飛
輓猶勞爾其外訓甲兵內康黎庶誅妖剪怪勲庸勿讓於他

山西通志 卷一百八十三 藝文
人布渥行恩愷悌俾流於隣壤儀曹起部長憲尹京俱成提
劍之榮各重擁旄之任敬服寵命佇聞休聲元式可檢校禮
部尚書充太原節度使雄可守本官充河中節度使仍晉絳
行營諸軍征討等使南平非外常駐使兼領黃公楚知商
授盧鈞太原節度使制民服業隲於部軍榮如陳廉
門下陶唐古郡晉國全服掌北門之管籥控朔塞之河山貌
武連營氏羌萬落用鎮興王之地必求易俗之才果獲碩臣
允膺謀帥具官盧鈞玉山當畫冰鑑澄秋揣摩政經淬勵心
術蘊賢入之大業蹈君子之中庸進取不爭於險夷操尚無
移於風雨歷踐華貫早揚淑聲重藩大寮始終一致屢委戎
寄亟聞獻功番禺清紹於隱之江漢愛俸於叔子壺關所復
汙俗惟新解亂繩而有條遷惡子而從化洎佩囊天府授鉞

夷門克樹風猷薦舉方策今以塞垣未靜寇黨多虞莫善綏
懷愈生疑貳道路旣聞於漁奪兇殘頗見其鳴張尚念前勞
猶寬肆伐爰擇待時之器式觀禦衆之能輟於朝端俾之鎮
府爾其賞罰無私德刑公用以清靜之方闡吾聲教以愷悌
之義宣我化條理必成於恩威政無庸於煩紊勉爾令典副
予知人於戲北貊熾周南仲有往城之績西羌擾漢營平陳
保勝之方疇其嗣之必有能者寵秩旣光於論道恩榮仍亞
於臺庭以壯戎旃勉服休命

授畢誠昭義節度使制
門下築壇申命推轂就途受幢節之榮分藩閩之寄膺茲重
任允屬良臣邠寧鹽慶武等州節度管內營田觀察處置兼
充慶州南路救接鹽州及當道沿途鎮寨糧料等使具官畢

誠宇量疑曠業履端修抱不器之才懷盡忠之節聲馳文囿
學茂儒林掇芳桂於月中擅嘉名於日下自升朝籍畢踐清
班屢鎮邠郊頗彰績効得營平屯田之術有伏波備寇之謀
曠土多棲畝之糧窮塞無晏開之壘是宜進律以勸將來尹
於神州能安疲瘵卑張敞擒姦之稱鄙廣漢摘伏之奇衢路
絕赭衣之人閭井稀桴鼓之響用錫武節明余無私乃眷壺
關方擇良帥顧惟邠邑思繼成功副我旁求俾爾俞往陟以
五兵之秩升於八座之榮服茲寵光佇聞報政可檢校兵部
尚書兼潞州大都督府長史御史大夫充昭義節度副大使
知節度事充潞磁邢洛等州觀察處置等使散官勳賜如故
勳愈授裴林禮部尚書裴諗兵部侍郎等制諗裴尚念前
勅冉有仲由孔氏門人高弟也尚曰處於小國可爲真臣况

今照臨百官撫御四海縮牢籠漕輓之職掌五兵六師之重
次第超擢爲吾大僚若非僉諧豈敢輕授具官裴休仁義禮
樂文行忠信積此八者以爲成人裴諗在元和代惟帝念功
四夷九州文化武伏咨爾先父實著大勳天必祚仁門有令
嗣道直才富行備名高文學而澹洽專精率履而清淨恭儉
而皆周歷華顯踐更臺閣處事可法出言成章咸輟自輪闡
任寄方伯教訓以禮生聚以仁千里封疆一口歌詠休乃命
以取士時稱得人用其公方委之管榷事爲之制曲爲之防
鈞校姦賊未減賦取公財不耗疲人樂生望爲準繩立作據
依名實兼備德位兩高漢史曰理行尤異者就加禮曰有功
於人者進律秩崇八座官副夏卿舉以授之子亦何愆夫宰
相佐天子公卿助宰相股肱指臂任同一身有事必言未爲

越局無自愛惜勉荅寵榮休可守禮部尚書依前充諸道鹽
鐵轉運等使諗可權知尚書兵部侍郎散官勳封賜各如故
授裴休中書門下平章事依前判鹽鐵制
門下我國家之稱至理其惟貞觀開元乎雖盛德成於祖宗
而致君存乎輔弼委是不構付予冲人實容獻臣共荷洪業
俾登玉鉉用振金聲具官裴休明堂棟梁清廟瑚璉道崇五
美學綜九流持去邪與善之心蘊尊主濟時之術早昇甲乙
首冠賢良諫垣馳讜正之名史氏動直言之筆羽儀著作律
呂縉紳仙闈道播於彌綸右掖詞推於潤色三臨藩郡皆垂
良史之能四貳卿曹益見大臣之體泊乎司泉貨之重筦山
澤之財用適變通法均寬猛大計如富彊之業常規多饒羨
之功人無告勞刃有餘地是可以載光哀職爰陟台階式贊

雍熙宜膺夢卜爾其允釐庶績盛起訏謨涉大川而示吾津
涯馭六馬而遺吾銜策俾臻皇極克嗣前脩於戲人代天工
予違汝弼悉乃心力作吾股肱無使阿衡專美於殷家山甫
獨稱於周室勉弘懿德勿忝虛懷可守本官同中書門下平
章事依前充諸道鹽鐵轉運等使

進河東節度使盧鈞左僕射詔

河東軍節度使盧鈞長才博達敏識宏深藹山河之靈抱瑚
璉之器多能不耀用晦而彰由嶺表而至太原五換節鉞仁
聲載路公論彌高藩垣之和氣不衰臺閣之清風常在宜升
揆路以表郡寮可尚書左僕射

懿宗報崔彥昭留任詔

彥昭早著令名累更劇任入司邦計開張用經緯之文出統

山西通志 卷一百八十三
藩維撫馭得韜鈴之術自臨并部殷若長城但先和衆安人不欲恃險與馬遂致三軍百姓瀝懇同詞備述政能唯恐罷去顧茲重鎮方委長材旣獲便安未議移替想當知悉

昭宗授前兵部侍郎薛昭緯御史中丞制
勅國爵之設公器也君將揭而與之者必問於朝皆曰可與則徇公况御史中丞持天下所共之法等乎庶尹重有加焉乃詔名卿來承俊選具官薛昭緯吾閱元和遺事嘉爾祖執憲之能軌躅可尋風聲自在美延後嗣克奉貽謀爾又歷落開懷精明照物好讓不惑寡過自彊出典誥而理勝辭豐第甲乙而以文兼行且屬多梗使於列藩與諸侯言繫安危事自肺腸而利社稷激意氣而誘公忠選無虛褒言有清論皆入吾耳盡知乃心宜正衣冠立爲繩準將分厥職惟聽茲言

夫太剛太柔不折則廢作之可久必在居中爾當率寮屬以講求振綱條而審固與其就名而生事未若審實以業官勉思勤行無害有益可依前件

授寧遠軍節度使蓋寓左武衛上將軍制

勅環衛之設貴同命卿有以大將軍之名加其秩者賞典彌重具官蓋寓凡天下統帥將佐勤勞每至賞勳鮮當仗鉞吾以克用事君有偉節匡國有大功而寓預謀必忠推誠必順致我藩后光於冊書是以特越舊章授之師律頗能謙讓復願改張得不表以寵休陟居戎列仍遂再三之請俾圖士卒之心直舉訓辭是爲嘉善可準自之士

授河東節度副使檢校司空王瓌特進制

勅爲國之政在蕃有條贊立武於中權屬好謀於副介具官

王瓌河汾之氣當萃爾家樂范之宗亦高他族伯仲繼撫封之盛子孫承錫命之功爾能繼彼勲名主於忠信遠取而寧規勇爵深思而但顧良弓列羣后之上卿處前人之興國尊獎之道造次必論心或益恭諒蕃昌之可保性能召福何富貴之不來朝舉寵章事歸敦勸方布冊勲之澤俾崇馭貴之階善佐永圖以承厚渥可依前件

重具授沁州刺史張漢瑜等加特進封開國男食邑制勅具官張漢瑜等漢室勲勞始以進奉朝請而好爵之設五等具焉至於任以專城秩叅環衛假之有寵典亦匪輕漢瑜以致勇之誠臨戎罔憚且能抱節而後立功則良將之才挺然可見宗裕恥同兒戲學在師貞過庭有聞刺部甚美則愛予之號昭然可知是以詔我代言俾茲申命亦用垂勸期於

狗公可依前件

太祖贈韓通中書令誥

易姓受命王者所以狗至公臨難不苟人臣所以明大節周故天平軍節度使檢校太尉同中書門下平章事侍衛親軍馬步軍副都指揮使韓通定交霸府委質前朝荷戈共歷於艱貞錫壤迭分於戎律朕以三靈睠祐百姓樂推言念元勲方疇異渥蒼皇遇害良用憮然追升浴鳳之池式表潛龍之舊

真宗追封介之推誥

惟神之生嘗以羈勒從晉侯行天下而不言祿晉人思之卒與其母隱死於深山而不顧可謂忠廉自信之士矣則其歿

山西通志 卷一百八十三
也宜爲明靈血食於其土守臣來告有禱必從庇民之德是
不可以無報錫命侯爵神其享之宜特封潔惠侯

旌李瀆詔

故河中府處士李瀆簪纓傳緒儒雅踐方曠逸自居恬智交
養迨茲晚節彌邵清猷奄及淪亡良深軫惻特行賁典式慰
營魂惟蓬閣之司文乃儒林之美秩仍示歸生之賻兼推給
復之恩申飭守臣優恤其後豈徒旌於泉壤亦足厚於民風
可特贈秘書省著作佐郎賜其家帛二十匹米三十斛州縣
常加存恤二稅外蠲其羨役

仁宗勅薛仲孺可太子右贊善大夫制

勅具官薛仲孺爾之伯父奎爲吾大臣叅議國政剛直之節
覓於臨事歿而無嗣吾甚哀之爾叨以奎蔭而登仕籍今由

累歲遂升於朝惟爾伯父之行有司考法易以一德不懈厥
心決斷之名可謂美矣守爾家法克勤厥官可

孫復可秘書省校書郎國子監直講制

朕勤治體喜賢俊嘗慮四方遺逸之善有不吾聞者間屬近
列屢騰薦章以爾孫復深經術茂德行躬耕田畝以給歲時
東州士人皆師尊之吾命汝校文於書省講藝於胄序不由
鄉舉不俟科選汝姑直屏雜說純道粹經使縉紳子弟聞仁
義忠孝之樂此吾所以待汝意往欽哉可

除李端懿寧遠軍節度使知澶州制

門下至治之時常不忘於武備用兵之要在先擇於將臣禮
樂詩書必資於學智信嚴勇又兼以仁是惟難才豈不慎選
用諏剛日敷告外庭具官李端懿器質宏深資識敏茂地聯

近戚無富貴之驕世濟美材躬儒素之行粵從壯歲綽有令名學問足以與謀忠信可以事上而能克勵名節靡違宴安每思報國以有爲嘗請治民而自効北州之政稱最東土之人甚思惟留務之是居顧歷時而頗久俾加褒進爰考僉同是用寵以節旄委之蕃翰於戲爲政而先無擾所以靖民除戎以戒不虞是宜有素繫乃通明之略副予東任之懷往惟欽哉膺此休渥可

賜昭德軍節度使檢校太傅知并州龐籍撫諭戒勗詔卿以文武之才更將相之任入籌帷幄早資決勝之謀出撫邊隅方重臨戎之寄載惟同德可諒宣勤而裨校貪功曾罔虞於蠶毒敗役銜辱致輕損於國威嘉封奏之上陳能列言而引咎雖勇夫債於輕敵彼實自貽而智者慮於未形宜無

不備已失難追於既往後圖猶倚於老成勉思節制之方用副眷懷之厚故茲詔示想宜知悉

除文彥博判大名府制

朕惟將相之崇資是爲文武之極選隆其名器所以重朝廷列於蕃宣所以屏王室矧乃居留之任必屬老成之人爰擇剛辰敷告有位具官文彥博器閎而厚識粹而明學得其方通古今而知要才周於物適大小以惟宜自奮發於聲猷早更揚於中外居則參禪乎國論出則宣暢乎皇威兩踐台司首當柄用賢愚式序舉百職以咸修綱紀甚明贊萬幾而至悉自懇避鈞衡之任出司管鑰之嚴逮此逾時蔚然休問眷言邦哲實簡予衷是用更其擁節之榮委以別京之重勁兵所宿是資總制之權雅俗惟淳兼賴撫綏之政於戲與國同

體是爲股肱之良惟民具瞻方隆師尹之望顧我舊德豈煩
訓辭往其欽哉祗服休命其辭曾之榮受以民京之重禮其
賜除宰臣文彥博讓恩命批荅

朕躬儉約以先人而生民未足憂勤以勵政而百職多隳豈
布德之不明抑任人之弗至是以齋居正慮先志後占鑒屢
易以爲煩念難知之可慎永惟商周之所記至以夢卜而求
賢孰若用縉紳之公言從中外之人望卿以舊哲比嘗相予
惟宇量能寬以服人惟純誠故久而益信勲德兼著可以重
朝廷忠信不回可以臨大事夫謀於其始而旣審則果於必
用而不疑汝其欽哉朕命無易所讓宜不允仍斷來章

賜河陽三城節度使同中書門下平章事判河南府文
彥博加恩告勅詔

朕因孟冬之吉辰饗太宮而合食膺受神貺推行慶恩眷惟
同德之臣方處居留之任宜優異數少示眷懷旣敷告於外
庭其往祇予休命

賜河陽三城節度使同中書門下平章事判河南府文
彥博辭加恩不允詔

朕屬者潔齊精誠薦見宗廟蒙神之貺受福孔多推慶賜以
大行均中外而咸及矧我同德乃時舊臣惟體貌之隆宜加
於異數而褒優之意未稱於予衷嘉讓節之甚勤顧成命之
難止所讓宜不允故茲詔示想宜知悉

司馬光改天章閣待制詔

楊雄曰周之士也貴秦之士也賤周之士也肆秦之士也拘
蓋言先王以禮讓爲國士之有爲有守得伸其志而在上不

敢以勢加焉朕率是道以君多士爾具官司馬光文學行義有稱於時故明試以言使司告命而乃固執辭讓至於八九改敘厥職以伸爾志是亦高選往其懋哉

英宗賜樞密使守司空兼侍中文彥博不允手詔

省所奏伏覩詔書宰臣陳升之位在下者願寢異恩庶安孤跡事具悉卿翼亮三朝周旋二府國之耆舊望實素隆升之任用尚新甫登宰席原其雅意必欲推先是用斟酌禮文裁其宜稱發於朕志奚取常規蓋以褒異老成豈與例用爲比卿謙恭久著於此何嫌往安乃居母逆朕命所乞宜不允

賜樞密使守司空檢校太師兼侍中文彥博乞退不允

因手詔

省所再上表乞罷樞府事具悉卿器質方厚謀猷明審憂公盡忠臨事能斷越自仁祖知卿美材入輔出藩於茲二紀再冠台席一總鴻樞事功蔚然洽於黎庶任重道遠卿實有焉朕負荷前烈夙宵危懼若涉大川必憑舟楫卿當悉心致力以裨不逮而何嫌何疑遽求去位封奏洊至良用憮然撫覽再三殊失所望老成之德重於典刑當體至懷安居厥職所請宜不允

加文彥博食邑實封制

門下雖天子必有尊所以嚴事上之訓唯聖人能饗帝所以昭報本之誠朕祗紹丕基肇稱元祀禮文旣備慶賜誕敷眷惟心膂之臣幹是機衡之任共膺神貺宜處衆先具官文彥博道茂國華才推人傑體忠厚以居德壯謀猷而奮庸弼亮

三朝周旋二紀再司魁柄仍冠中書仗鉞臨戎則兇渠折首
秉鈞調化則黎獻承風內外游更望重彌劭矧在纂承之際
親聞顧託之言委寄至隆眷注爲重協贊盛儀之舉克臻熙
事之成是用進美號以褒功取閒田而增邑併伸異數式示
優恩於戲慮危於安所以綏萬國懷遠以義所以靖四夷益
懋乃官用副朕志可

神宗除文彥博樞密使賜功臣制
天極環樞上通帝位之紀神兵會府內嚴師律之謀朕方垂
講不平進經常武雖天下無事思備禦之不敢忘蓋王者有
征視安危之不敢忽適登髦傑資以輔予具官文彥博器閎
而深材敏以濟早責賢人之業實膺聖考之知以忠孝之名
形家國之盛節以文武之略輯將相之大猷肆纂命於皇圖

迺離憂於喪紀追終哀戚甫見儀刑屬疆事之方興煩師旄
之載舉折衝境外方將出憺於王靈收畫幄中曷若坐圖於
廟勝宜長機廷之務宜符巖石之瞻於戲過餌北戎未厭貪
驕之志再盟西夏猶苞狂忽之圖終佇奇勳用恢遠馭

除文彥博守司空依前樞密使加食邑實封制

朕若稽先王維御羣品左謀金鉉之老以經治於廟堂右屬
鴻樞之良以定策於帷幄厥有成績可勿褒乎具官文彥博
風力肅明器資恢傑臨至劇有轉圜之易定大謀如執玉之
堅逮事神文之朝已緝熙於鼎路追言聖考之遇又密勿於
機廷肆涼昧之不承會精神於羣慮雖兵民之異本亦文武
之交修未隆贊冊之恩曷懋圖庸之舉其保宏父允釐華陽
顧豈明分之私終繫老成之助於戲有若闕天尚迪文王之

山西通志 卷一百八十三
彝罔俾阿衡以專商家之美往篤爾烈永承於休

除郝質殿前都指揮使安武軍節度使加勲食邑實封
除郝質殿前都指揮使安武軍節度使加勲食邑實封

國家統御之勢大維持之業隆外倚四巖藩翰之臣中謀萬
夫貔虎之帥故奉委裘而羣情固聞受瑄而三靈趨肇臨發
政之辰首下放朝之命具位郝質性資莊厚氣略沉雄通玉
帳之善經體金行之正氣自昔先帝知為勁臣因其勤舊之
名立在親信之地會綴衣之陳牖提衛甲之環宮曾無夜警
之譁自得剛牙之重紹帝符於景祚渙邦號於前彝視秩冠
於文昌徙節臨乎安武加以總正使範敦封并旌巖陞之勞
以表師干之寵於戲天之壁壘象在羽林王之爪牙職於圻
父蓋地嚴則必資拱扈之力師衆則猶賴訓齊之方往堅壯

圖思荅殊遇

除文彥博司徒判河南制

秉國大鈞絕席廟堂之上經時常武運籌樽俎之間維吾老
成多所更踐懇辭幾務往殿近藩敷告於廷進疇厥位具官
文彥博器質宏偉智謀靖深逮事祖宗早登丞弼周旋左右
當四海之具瞻密勿樞機實萬邦之為憲肆予纘御屬在倚
毗深惟注意之勤勉狗均勞之請眷言耆舊宜所褒崇增秩
上公衍封真賦光華故里揭全晉之旌旄偃息名城壯陪京
之屏翰出入中外始終顯榮於戲進而論道經邦則必告嘉
猷於后退而承流宣化則必下膏澤於民爾惟欽哉尚多受
祉

哲宗除司馬光左僕射制

帥羣臣宿道而嚮方在慎取相佐王者修政而美國莫若求
人顧惟眇躬獲嗣大統儲思業業不敢忘六聖之休注意賢
賢將以總萬方之儉褒進上宰敷告外庭正議大夫守門下
侍郎司馬光受材高明履道醇固智足以任天下之重學足
以知先王之言逮事厚陵徧儀侍從之列被遇文考擢總樞
機之繁有大臣特立之風蹈君子難進之節方予訪落之始
起應秉均之求調娛萬幾必先教化之意辨察百職不失禮
義之中是用諮諏僉言褒加異數越陞左揆之路兼峻東臺
之班申衍爰田陪敦真食於戲上寅亮於天心則陰陽風雨
以之順下遂字乎物理則山川草木以之寧內阜安於兆民
外鎮撫於四裔蓋輔相者爲之基杖而老成者重於典刑勉
行所聞以底極治

除文彥博平章軍國重事制
師傳道之教訓先王所以迪厥官老臣重以典刑天下所以
資其智迺瞻舊德時謂元勳謀合祖宗之心名載鼎彝之器
申效贊策播告外朝河東節度管內觀察處置等使守太師
開府儀同三司太原尹致仕上柱國潞國公文彥博惇大而
清明方嚴而信厚出則秉乎旄鉞入則總我鈞衡文武兼備
其才夷險能致其力畢公之弼四世三紀於茲傳說之總百
官萬邦其父爵隆無富溢之累名遂有身退之榮神明相其
壽康人心想其風采是用還之論道倚以經邦以帝者之師
臣謀議廟堂之上以天下之大老制馭夷狄之情庶幾有爲
底於極治陪敦多井申衍真封於戲呂望惟賢起佐文王之
治周公已老留爲孺子之師矧我耆英無愧前哲往宣一德

用格多盤

賜太師平章軍國重事文彥博宰相呂公著自今後入朝凡有拜禮宜竝特與免拜詔

朕聞几杖以優賢著之典禮耄耄無下拜書於春秋魏太傅鍾繇以足疾乘車就坐自爾三公有疾以爲故事而唐司徒馬燧亦以老病自力對於延英詔使毋拜今吾耆老大臣四朝之舊德隆而望重任大而憂深者唯卿與公著而已方資其耆龜之告豈責以筋力之禮今後入朝凡有拜禮宜竝特免卿其專有爲之報略無益之儀毋或固辭以稱朕意

賜太師文彥博辭免不拜恩命允批荅

朕優禮師傅達德齒之尊以亟拜爲可略古之道也卿謹嚴朝廷明君臣之分以不拜爲未安禮之節也道竝行而不悖

義有重而難移勉循所陳不忘嘉歎昔贈太師文彥博乞致仕不許批荅卿出入四世師表萬民無羨於功名而有厭於富貴其所以忘身徇國捨逸就勞者豈有求而然哉凡以先帝之恩生民之故也卿之在朝如玉在山如珠在淵光景不陳而草木自遂去就之際損益非輕昔西伯善養老而太公自至魯繆公無人子思之側而長者去之卿自爲謀則善矣獨不爲朝廷惜乎藥餌有間時遊廟堂家居之樂何以異此

爲君難爲臣不易非吾推誠無疑不能起卿於安佚非卿忘身徇國不能從我於艱難召用之初中外相慶搢紳莫不競勸父老至於涕流中道而歸其義安在宜思一身之樂輕於

社稷母使庶人之議及於朝廷
良以賜太師文彥博乞致仕不允斷來章批荅計辭莫不競
君子安身崇德如山嶽之鎮開物成務如江河之流若山嶽
之鎮搖動不安江河之流行止自便則物將交病人亦何觀
朕之望卿無以異此宜守不移之志以成可大之功

賜太師文彥博生日詔

陽月載臨剛辰協吉篤生元老弼亮四朝允為廊廟之華豈
獨聞門之慶往膺寵數永錫壽祺
朕良賜太師平章軍國重事文彥博上第一表乞致仕不許
昔師尚父九十秉旄杖鉞猶未告老此諸葛元遜所以屈張
昭也而衛武公百年猶箴儆於國曰毋以我老耄而捨我此

左氏倚相所以誨申公也今卿壽考康寧而退托衰病自引
求去獨不念天下之士有如彼二子者議其後乎姑安厥位
以荅公論

賜太師文彥博上第二表乞致仕不允批荅

朕聞之成王之政周公在前召公在後畢公在左史佚在右
四子挾而維之目見正色耳聞正言一日卽位天下曠然未
聞四子以老而求退亦未聞成王以老而聽其去也朕雖不
德猶庶幾成王之治卿雖老矣獨不能以四子之心為心乎
勉卒輔朕無愧前人

賜新除殿前副都指揮使武泰軍節度使苗授上第一

表辭免恩命不許斷來章批荅

試材已舊謀帥尤艱故以久次用人欲其深練於事而卿辭

山西通志 卷一百一十三 藝文 三
以錮疾豈所望哉速卽乃官毋復退避

除苗授特授武泰軍節度使殿前副都指揮使勳封食

實封如故制

門下出總元戎作先聲於士氣入爲環尹寓軍政於國容將
伸闔外之威以迪師中之吉咨於爾衆朕得其人具官苗授
早以異材見稱武略被服忠義有烈丈夫之風砥礪廉隅得
士君子之槩薦揚邊圉益著勞能拔自衆人旣蒙先帝之遇
遂拜大將無復一軍之驚祇扈殿巖肅將齋鉞予欲少長有
禮而兵可用汝其夙夜在公而令必行於戲愛克厥威罔功
茲爲深戒師衆以順爲武古有成言惟懋乃衷毋忘朕訓

賜新除殿前副都指揮使武泰軍節度使苗授上第二

表辭免恩命不允斷來章批荅

環衛之嚴節制之重誕告多士以長萬夫朕豈輕用其人哉
確然固辭末喻厥指往祇朕命毋曠乃官言書美問飾殿之

追贈司馬光溫國公制

執德不回用安社稷爲悅以死勤事坐致股肱或虧方予訪
落之初遽興殄瘁之感其於卹典豈限彝章具官司馬光超
軼絕塵應期降命蹈履九德湛涵六經逮事仁宗以論思獻
納任言責翊我英祖以安危治亂鑒古今粵唯先朝廷登近
弼方事獻可而替否不肯枉尺而直尋紬繹新書優游卒歲
乃心無不在王室不起何以慰蒼生顧唯渺躬肇稱茲祀雖
未能求諸野而得傳說亦庶幾選於衆而舉臯陶激濁揚清
方甄名於流品制法成治永振德於黎元而慙遺之悲天下
得於一老惴慄之嘆人皆輕於百身茲大享於合寢仍不預

山西通志 卷一百八十三 藝文
於小斂師垣一品降之九原開國於溫用旌直德納棺以隧式勸具僚念涕泗以無從想話言之猶在俯唯英爽歆此寵靈可特贈溫國公勅顧臨直龍圖閣河東轉運使唐義問河北轉運副使復差役之法黜聚斂之吏去薄從忠務以養民而寬厚之弊或至於媮夫外臺按事以不失有罪爲稱職若下有幸免之吏則必有不幸之民民困於吏則歸咎吾法朕甚憂之具官顧臨太原之民困於備邊使者之任非人可乎以爾儒林之選號稱秀傑有能吏之才而不薄有長者之風而不媮其服新職以涖一道往任其責以寬吾憂可具官唐義問趙魏之地被邊帶河以爾直諒之節世其家聲豈弟之心不忽民事

必能深識朕意以肅吏靖民爲本往任其責以寬吾憂可

除文彥博太師河東節度使致仕制

周公未嘗之魯老亦居豐留侯晚雖彊食終不任事蓋委寄之重初無間然而止足之風所不敢廢惟我耆舊歷事祖宗纘服之初復命以位雖師保之地優佚不煩而邱樊之心朝夕以請布告在位俾聞高風太師平章軍國重事上柱國潞國公文彥博克孝而忠允文且武其在師旅有方召之勲其在朝廷有崇環之業士民視其去就夷狄震其威名時更四朝躬蹈一節先皇帝愍勞以事旣許其歸越予訪落之年稟有涉淵之志起之旣老待以仰成出入五年終始全德進而論道日聞典訓之言倚以折衝卒靖邊防之警委成功而不處指莫景以求安動請屢聞誠心莫奪顧瞻閭井近在洛師

郭氏有永巷之嚴裴公有綠野之勝豈以簪紱之累久致形氣之勞貴極上公既無復加之爵秩分領全晉仍畀久還之節旄增廣舊封益衍真食殫盡人臣之寵歸從父老之游於戲音聲不遐尚有就問之禮几杖以俟復斯親祀之陪勿以進退之殊而廢謨猷之告式燕且譽俾壽而康

郭遠自致仕起知潞州誥

秦伯復用孟明是以能霸蜀人亟誅馬謖終亦無功朕周於用人篤於求舊雖設干羽以懷柔異類而聽鞞鼓則無忘將臣豈其舊勲久廢不用具官郭遠蚤學弓劍晚通詩書勇而有謀整且能暇威名懾於西鄙柄任及於中樞南伐無成嗟伏波之遂棄退居能飯知廉頗之未衰擢從解組之餘復寄長民之任過而能改豈一眚之足云窮當益堅或來功之可

冀勉於圖報以稱異恩命官郭遠北郊突遇緝太風出或獲輒與王從任知守嵐軍誥平劉齊城郭遠之德也

崇築培壘本以輯治軍旅及四方既平而假守之臣實任民事列於有土之官矧嵐谷竝邊寄屬尤重爾以選擇往祗朕命夫能開示恩威以惠養吾人而懷附異俗則爲善於其職尚思爾守無替訓辭

封靈潤公勅

有功於民則祀之國之典也惟威靈之所感格惠澤之所霑被彌著而彌廣則祀號祭典與次俱陞威勝軍武鄉縣仁濟廟敷應侯聰明之德望於一方滲灑之仁漸於四遠廟食茲土靈貺在人日雨日暘如響如答稽參祀典進陟公圭神其承天之心率神之職順適歲事陰佑下民宜特封靈潤公

元

世祖追封伯夷叔齊制

蓋聞古者伯夷叔齊逃孤竹之封甘首陽之餓讓爵以明長幼之序諫伐以嚴君臣之分可謂行義以達道殺身以成仁者也昔居北海之濱遺廟東山之上休光垂於千載餘澤被於一方永懷孤峻之風庸示褒崇之典於戲去宗國而辭周粟曾是列爵之可廢揚義烈以激清塵期于世教之有補可追封伯夷為昭義清惠公叔齊為崇義仁惠公

追封李靖制

漢封功臣大者王小者侯矧生為天下之將歿有精爽至於神明其何虛王儀而弗用乎隆德府潞城縣微子嶺廣德廟靈顯王以智勇忠義佐命有唐方北破突厥繇太原出定襄

師行之道英魂猶存斯民歲歲奉祀不怠至于雨暘之所捷若影響厥功懋焉其加褒稱之典以慰潞城之民抑以見朕思獎頌牧之意可特封靈澤王

加封鹽池神詔

天生物以濟人默存主宰君乘恩而御世顯示激昂盛典所加殊勳斯在解州鹽池靈慶公深儲晉寶秀孕坤靈不煩煎湏之勞自適調羹之用雪凝百里派引畦分波及四方川浮陸輓王府則有民食以充念汝績之可嘉惟朕心而亦憚崇階徽號禮務極于報功殖貨通商源尚豐於富國可加號福

源靈慶公

成宗加封桑乾河神制

朔州桑乾河源會鴈門流通馬邑目擊靈貺昭合前聞名久

著于朔方神舉登于王爵令著不刊之典祭符咸秩之文有感必通無德不報執法有褒崇之請奉常據禮制而言廣濟王可加封協應廣濟王

順帝追封郝經制 詔賞 郝經 尚豐 效富 國 鄂渚之役彼因紆難以求和中統之初首議遣書而通好故翰林侍講學士國信使郝經毅然御命志在息民往諭聖祖視之仁卒被偽相姦謀所梗雖蒙假館遂見拘留鴈書未達于中原龍棹已橫于江上閉儀徵者十六載臣操益堅訖宋錄之三百年兵端自此甫遂生還之願遽傳哀訃之音永懷忠亮之風宜舉褒崇之典於戲請纓象闕既酌終軍繫粵之心圖像麟宮式表子卿歸漢之節可贈昭文館大學士資善大夫諡文忠 郝經 漢 月 趙 趙 奉 師 不 息 至 于 兩 野 之 流 善

其 慕 追 封 鄭 鼎 制 諡 忠 毅 公 鼎 尚 益 漢 二 皇 夫 瀛 嶼 公 以 聖 祖 應 千 齡 之 運 茲 垂 裕 於 無 疆 人 臣 宣 百 戰 之 勞 豈 加 封 之 未 至 旌 其 既 往 沛 以 殊 榮 故 贈 銀 青 榮 祿 大 夫 中 書 右 丞 諡 忠 毅 公 鄭 鼎 偉 略 雄 才 清 流 宿 望 書 通 六 籍 惟 不 肆 以 不 矜 劔 學 萬 人 亦 能 仁 而 能 勇 慶 延 其 閎 閱 義 著 於 鄉 閭 懷 昔 賢 經 濟 之 謀 當 羣 寇 搶 攘 之 際 兵 符 早 握 驅 雷 電 以 蕩 餘 氛 潛 邸 從 游 廓 風 雲 而 遇 真 主 始 自 西 羌 之 役 建 興 南 詔 之 命 志 在 摧 堅 涉 艱 危 而 不 變 算 無 遺 策 決 勝 負 於 必 然 視 長 江 若 一 葦 可 航 歸 正 統 而 萬 邦 順 軌 招 降 撫 定 所 去 見 思 賑 乏 蘇 枯 其 勤 匪 懈 蕞 爾 小 孽 輒 畜 藉 圖 夫 何 螳 臂 之 微 失 我 鷹 揚 之 輔 卹 章 顯 諡 雖 已 極 於 褒 崇 大 國 徵 奮 盍 特 昭 於 眷 渥 矧 其 胤 續 有 若 忠 宣 丕 昭 再 世 之 光 俯 迪 嗣 孫 之 請 於 戲 賢

者識其大者生死之節靡舒有之是以似之熾昌之來未艾
英靈可作殊報是承可贈宣忠保節功臣金紫光祿大夫平
章政事柱國追封潞國公諡忠肅
明一
志五英宗旌鄉寧縣義民至有祿勅夫雜糧一千餘石用助賑濟有
國家施仁養民爲首爾能出雜粟糧一千餘石用助賑濟有
司以聞朕用嘉之今特賜勅獎勞以羊酒旌爲義民仍免本
戶雜派差役三年尚允蹈忠厚表勵鄉俗用副朝廷褒嘉之
意欽哉故勅
憲宗旌義民張玉出粟賑饑勅
國家先務養民爲急爾能出糶糧米用助賑濟有司以聞朕
甚嘉之今特示獎諭旌爲義民爾尚益敦仁厚表勵鄉俗以

副朝廷褒美之意故勅
有贈薛瑄禮部尚書諡文清制

國家於輔治之臣生旣榮之爵祿沒必加之贈謚者所以表
勞動而篤始終之義也故致仕禮部左侍郎兼翰林院學士
薛瑄賦資純實學問淵源早登甲科久歷宦路操存廉慎清
名克勵乎士風履行端方素志允諧於臣節比叅密勿益著
謀猷屬當委任之隆遽獲退休之請謂雖優老於田里猶堪
表俗於鄉閭胡不憇遺倏然長逝爰厚加於卹典用彰異於
才良茲特贈資善大夫禮部尚書諡曰文清嗚呼輸忠盡職
生已薦進於崇階稽行易名沒可垂光於永世恩榮始終夫
何憾焉靈其如在服茲嘉命

武宗諭致仕戶部尚書韓文勅

山西通志 卷一百八十三 藝文
卿以宏遠之才清慎之操敷歷中外多閱歲年晚貳銓衡晉
司那計勞績茂著爲時名臣越在先朝首倡儻論劾除羣奸
遭讒去官退居田里凜然風槩天下想聞乃能懋修靡懈德
望愈隆壽考康寧年逾八十完名盛福求諸今日蓋僅見焉
朕初嗣位念卿一時碩輔大望攸歸已有旨起用茲特先遣
行人齎勅存問并賜羊酒仍令所司月給食米四石歲撥人
夫六名以示優眷行且起卿於家來觀闕廷以爲班行之光
卿其頤養天和益邵乃德康乃身用副朕寤寐老成至意抑
書有之曰爾身在外乃心罔不在王室卿有嘉謨嘉猷未展
盡於平素者尚無所隱以裨朕之不逮卿其敬念之哉故諭
神宗諭宣大山西總督鄭洛勅
朕惟聖王制禦蠻夷在羈縻勿絕大臣保安邊境貴戒備不

虞自非屬封守之勤曷克贊綏懷之略惟爾忠誠自性沉毅
有謀持關市之盟當機能斷任社稷之寄在險不驚舉八事
以經略三陲可戰可守更十載而始終一節善作善成綢繆
周牖戶之防操縱制羶裘之命銷萌厭難坐收安攘之勲保
大定功茂樹廓清之烈閱書入奏朕志允孚茲特加秩廕資
仍賜勅獎勵以旌爾庸嗚呼四方定而王心載寧召虎之經
營旣効六月出而我行永久吉甫之燕喜有期尚旣初心勞
勩無忘於夙夜庶膺休寵功名丕著於春秋欽哉故諭

勅大學士張四維贈太師謚文毅誥

朝廷軫舊式懷夾輔之勲窳窳厚終特資優崇之典生克襄
乎大業歿宜錫以榮名爾原任少師兼太子太師兼吏部尚
書中樞殿大學士張四維器宇端凝才猷練達自蜚英於侍

從已徵華國之交迫叅預於論思歷試匡時之略屬更化紀
紘轍維新爾位元寮機衡默運宿蠹批而不仁自遠寬條布
而羣品皆蘇睠茲至治之成實賴交修之助方需後効用佐
中興胡樂棘以奔歸遽柴瘡而不起倏感騎箕之化永遺亡
鑑之思愍册肆頒卹恩滋備特贈爾爲太師謚文毅錫之誥
命於戲周太尉之重厚屬大事以克勝韓魏公之眞誠折羣
疑而能斷兼資衆美允副褒綸秩旣晉於三公寵實榮於
字緬惟靈爽尙克歆承

周顯王崇古贈太保謚襄毅誥爾雅蓋聞非常之原常人懼焉及臻厥成天下晏如夫業已收晏
如之效而思始事之臣其事存其人亡此朕所爲列鍾鼎以
書勞聽鼓鼙而太息者也爾已故原任少保兼太子太保兵

部尚書王崇古傳大有謀沉雄善斷綿更外服踐歷戎行洎
擁節旌任惟鎖鑰諸艱歷試百折不撓當那酋叩關之初適
衆議盈庭之際先皇雄斷爾實肅將遂折筆而服名王盡斂
衽而稱屬國兵革之端息輸將之費省邊境以安朝廷以尊
爾始終區畫之力也入柄本兵益暢邊籌雖懸車高謝而邊
臣守遺策匈奴循故約以迄於今蓋古之大臣四夷問安否
關國重輕者爾庶幾焉何疾不已遽委霜露老成凋謝深軫
朕懷是用贈爾太保謚襄毅錫之誥命以爾有大勲勞故命
曰襄以爾定大謀議故命曰毅生爲人豪歿膺國卹古稱不
朽於是乎在九原可作女其歆哉

勅王家屏通議大夫制

朕緝熙聖學夙資論道之臣寅亮天工懋簡調元之佐眷惟

山西通志 卷一百一十三 藝文 三
名碩方切倚毗載嘉輔理之功亟舉褒崇之典咨爾吏部左
侍郎兼東閣大學士王家屏端凝重厚博淵貞自居甘泉
持橐之班已有傳巖調鼎之望金華論學久沃嘉謨玉著作
人式端師範秉寅清而贊典禮精藻鑑以貳銓衡乃自廷推
爰登閣學協心同道叅謀斷於萬幾正色和衷樹表儀於百
辟期猷裕以匡國是乃倉皇而邁家難未克救功寧忘寵錫
茲特授爾階通議大夫錫之誥命於戲素冠樂樂暫返鄭公
於洛社赤舄凡凡尚迎姬且於周郊朕方虛席以待賢臣卿
豈去國而忘王室勉承新綵庸副至懷欽哉以安爾志以尊
勅王家屏柱國太保制誥黃勳撰 命而頒咨王盡論
朕祇承大命光撫洪圖仰遵列祖之貽謀式敘五朝之元碩
蓋土喆不貶忠以阿世迺英明或藉法以行權故跡若睽而

深信其志身雖遠而終行其議對凌風之勁草念夾日之誠
臣可靳新恩以旌往勩咨爾原任禮部尚書兼東閣大學士
贈少保諡文端王家屏沉凝彊毅冲粹坦彝閱歷廿年久禁
嚴之近職周旋二紀更侍從之要官進陪帷幄之司載任股
肱之重當先皇帝升儲未定適先皇祖猜意方深將順者術
疎而衆攻其短糾繩者力盡而式遄其行蓋土以終當相信
之心持堅不可開之勢兼以時有可乘之惑掩必無終晦之
明迺因勢以啓其心希緣明以破其惑喜引之爵名而不顧
怒加之放逐而不移經綸竭補袞之才肝膽傾回天之力豈
獨羣情倚以爲重遂開仁愛之心抑且九重據以爲辭藉塞
讒譏之口倡天下以必不可回之正志見朝廷有誼不戀位
之大臣故旁謀逆折於公忠主意頓窮於棄置此天生名世

以維有道之長而誼篤忠貞遂衍無疆之曆茲以覃恩加贈
爾特進光祿大夫柱國太保錫之誥命於戲庭謨惟直國本
有經假調停聯四海之心術窮而衆將益渙借阿諛通重閣
之意道輕而身竟不光惟是執憲典以陳謨迺能佐轡銜而
馭世人知直言不諱其氣伸不知婉畫開陳其心苦人知正
色有辭其力大不知當機立斷其識沉蓋燮調勳茂於格心
羽翼功成於佐聖老成既謝典刑尚可風人忠悃不磨丰采
猶能裨治贊思無斃舊德惟馨去是斷辭意亦和雅風亦
顯之世鄉風試二時更奇於之要官數部勤勤之巨薄丑列
館少粉飾文辭生宋異武鏡區楚中葬世長閱歷廿年人禁
田可禱滌恩以致去慣谷爾氣丑豔時尚書兼



山西通志卷第百八十三



